

**NATIONAL ASSEMBLY OF
SEYCHELLES**

*Wednesday 20th September
2023*

The Assembly met at 9am

National Anthem

Moment of Reflection

Mr Speaker in the Chair

MR SPEAKER

Bonzour bann Onorab. Bonzour nou zofisye Lasanble e nou piblik ki swiv nou. Mersi pou zot partisipasyon ozordi. Nou a komans avek prezantasyon papey Madanm Deputy Clerk.

MADAM DEPUTY CLERK

Bonzour Mr Speaker. Mersi. Bonzour tou bann Manm Onorab. Tou nou bann *Parliamentary staff* e tou dimoun a lekout. Prezantasyon papey i konm swivan Mr Speaker;

*S.I. 65 of 2023 Harbour
(Port and Harbour Dues)
(Repeal) Regulations, 2023.*
Mersi.

MR SPEAKER

Mersi Madanm Deputy. Nou a ganny *First Reading Public Bills*, ki lo *Order Paper*.

MADANM DEPUTY CLERK

Mersi Mr Speaker.

This Act may be cited as the Road Transport (Amendment) Act, 2023.

This Act may be cited as the National Payment System (Amendment) Act, 2023. Mersi.

MR SPEAKER

Mersi Madanm Deputy. Manm i ava remarke ki sa 2 nouvo *Bill* in ganny met lo *Order Paper* pou *First Reading*. Nou biznes ozordi i konsern Mosyon. E nou ti annan 2 Mosyon lo *Order Paper*, e tou lede dan non *Leader* Lopozisyon. Premye Mosyon i konsern *S.I. 51* ki parey Madanm Deputy in fek note, in met lo latab ki sa *S.I.* in ganny *repeal*.

Alor mon pou apel Onorab *Leader* Lopozisyon pou retir son Mosyon dapre *Standing Order*.

HON SEBASTIEN PILLAY

Mersi Mr Speaker. Bonzour Mr Speaker. E bonzour tou koleg Onorab. E bonzour tou dimoun ki a lekout. Mr Speaker, efektifman yer bomaten letan mon ti alert ou *regarding* sa *S.I.* sete zisteman pou mwan kapab ganny notis pou fer sa pou

donn ou notis. Me sa *S.I.* pa ti'n vin aparet lo *Order Paper* parey mon ti'n sey endike yer bomaten.

E ou ti dir ek mwan – (mon *sorry* Mr Speaker, mon pou repet sa) “Me mon napa naryen pou fer avek *Order Paper*” e lefe prezan... *Order Paper* pa konsern mwan, mon vwar prezan ozordi sa *S.I.* i bezwen ganny mete lo *Order Paper*. *Given* ki prezan ki sa i aparet lo *Order Paper*, mon pa'n kapab notis pou *withdraw* mon Mosyon. Me mon pou bezwen fer li la *viva voce* ler mon pe koze.

Mr Speaker, mon pa pou kapab pran mon Mosyon akoz zisteman sa *S.I.* in ganny *repeal*. E sa i montre en problemm Mr Speaker ki nou annan. Depi ler mon'n met sa Mosyon lo *Order Paper*, i depi le 6 Septanm, ki mon'n anvoy sa Mosyon kot Lasanble. In pas 2 semenn avan ki Gouvernman i pran li en desizyon pou li *repeal* sa *S.I.* ki li menm li i pa ti'n met an pratik.

E sa i montre zisteman ki nou annan Mr Speaker, (*sorry* mon pou servi sa term) me sa i paret en Gouvernman kanmaron! Akoz i fer mars devan *and then* i fer letour an aryer.

E prezan problemm avek sa Mr Speaker, se ki in dir i pe *repeal* sa *S.I.* me ki i pa dir se lekel bann *fees* ki pou an aplikasyon. Ou konpran? Ti annan en lanons pou entrodwir sa *S.I.* Me ler sa i ganny *repeal*, i ganny *repeal* an kasyet.

E mon remersi mon lekip ki'n solider avek mwan, ler mon'n dir zot mon pe met sa, mon pe bouze pou annan en *annulment of* sa *S.I.* E mon krwar Mr Speaker, pou mwan, Departman Transpor e Por, Minister responsab pou Por, i devret vin devan e eksplike kwa egzaktaman ki pe pase.

Alors avek sa Mr Speaker, mon pou zis pa *move* mon Mosyon, ler i *stand* lo mon non akoz zisteman sa *S.I.* in ganny *repeal* parey mon ti annan lentansyon demande.

Me mon oule note Mr Speaker, e la mon oule met lo rikord. Ti'n annan en pratik alors pou anmenn bann antite sak fwa mon *move* en Mosyon pou *annul S.I.* Mon kontan pou note ki ozordi kote mazoriter pa anvi anmenn Port *Authority*, pou fer li vin fer prezantasyon. E i enteresan sa.

Ler i met *S.I.* mon vin *annul*, zot anvi fer li vin dan Lasanble pou vin eksplike. Me ler i *repeal*, zot pa anvi fer li vin devan Lasanble ozordi. Zot pa

anvi fer *adjournment*, zot pa anvî fer naryen; zot pa anvî fer antite vini. Ozordi zot trankil ozordi, e sa pep Seselwa i devret donn zot en lendikasyon ki manner.

Mr Speaker, sa i aplik pou sa ki'n arive. E mon santi mwan koman en Manm Lasanble mon ganny afekte par sa kalite konportman ki pe arive, ki pe les arive. I en *abuse of the Standing Orders!*

E ou ti dan *meeting ABC* ler mon ti ganny alerte par kote mazoriter ki ti dir ek mwan lo sa *S.I.* zot pou anmenn *Port Authority*. Mon ti pe espere pou *Ports Authority* vini.

Me i malere ki zot pa'n kapab fer li. E mon ti a kontan ou pronons ou lekor lo sa ki mon pe dir *regarding* zot ti sipoze fer *Ports Authority* vini.

Akoz i montre mwan Mr Speaker sel zannimo ki fer al devan apre i fer deryer se kanmaron. E mon bezwen met devan Lepep Seselwa Mr Speaker, ankor enn fwa ki Gouvernman i fer mars aryer lo en keksoz ki zot pa ti devret fer.

So, vi ki *S.I.* in ganny *repeal* Mr Speaker. Mon ti ava apresye prezan ki bann lotorite konsernen i eksplike kwa egzaktaman ki pe pase. Mersi Mr Speaker.

MR SPEAKER

Mersi Onorab. Mon konpran ou'n *withdraw* Mosyon anba *Order 48*, ki permet ou *withdraw* en Mosyon nenport ler. E vi ki sa *S.I.* in ganny *repeal*, mon konsidere ki sa Mosyon i ganny *withdrawn*. Mersi, avek par ou parol.

Ou'n demann mwan pronons mon lekor, e mon pran lokazyon akoz mon kontan eksplike ki mon pozisyon. E wi dan *ABC, Caucus* i endike ki zot pou kapab oubyen zot pe konsidere anmenn *Port Authority* lo, dan Lasanble. Me vi ki sa *S.I.* in ganny *repeal* tousala in vin i relevan, alor nou pa bezwen antre dan sa kestyon. Mersi.

Bon, avek sa nou annan lot Mosyon Onorab...

HON CHURCHILL GILL

(Off-Mic)

MR SPEAKER

Ou annan *point of order* Onorab Gill? Wi?

HON CHURCHILL GILL

Mersi Mr Speaker. Bonzour tou dimoun. Mr Speaker, zisteman lo sa *repeal*, mon ti an vi zis met devan Lasanble, ler sa ti vin an fors *S.I. 51* ti annan en *S.I.* avan ki ti ganny *repeal* pou sa enn vini. E prezan la sa enn in

ganny *repeal*, bann servis ki'n mansyonnen lo la i ankor pe ganny fer.

Alors mon ti anvi zis met devan Lasanble si pou annan en prosedir legal ki pou revini, pou ankadre sa bann servis, oubyen zis i pou kontinyen parey i ete? Mersi.

MR SPEAKER

Sa keston i a dan lanmen lotorite konsernen. E mon asire ki zot ava pe pran mezir, pou adres sa kondisyon ki ou'n mete. Mersi.

(Off-Mic)

MR SPEAKER

Sorry! Non nou pa kapab kontinyen debat sa. Onorab Pillay?

HON SEBASTIEN PILLAY

Mr Speaker, *with all due respect*, Onorab Gill i annan en pwen pertinan ki in *raised*. E ler en *S.I.* i sorti i *repeal* sa enn ki ti la. Lasanble dan son fonksyon ki i pe fer ozordi bomaten, ler sa *S.I.* in table pou *repeal* sa enn ki'n pase. Koman Speaker, ou bezwen alert Lotorite Por poudir i annan en lackin Lezislatif la.

Akoz *basically* koman Lasanble, nou'n donn Minister Transpor ek Por nou pouvwar

pou fer Lalwa anba *Interpretation and General Provisions Act*. Mwan mon konnen mon pa en Avoka, akoz i annan dimoun Mr Rene ki'n pey zot *bar*.

Be mwan Mr Speaker, sa ki mon konnen ek mon leksperyans, bann operater i bezwen konnen anba ki Lalwa zot pou pey zot *fees*.

E mon ti a kontan, sanmenm sa mon pe dir ou Lasanble i bezwen enform Lotorite Por, ki imedyatman zot bezwen enform piblik lo kwa ki pou aplike dan sa sikonstans. Akoz napa *fees* Mr Speaker.

MR SPEAKER

Mersi Onorab. Lotorite konsernen i o kouran. E sa keston i dan zot lanmen. Mersi. Nou a prosede avek lot Mosyon ki lo *Order Paper*. E sa osi i dan non Onorab Sebastien Pillay, *Leader* Lopoziyon. Alor Onorab mon envit ou pou met ou Mosyon.

HON SEBASTIEN PILLAY

Mersi Mr Speaker. Sa Mosyon i swiv dan laliny en pti pe sa enn ki fek pase. E sa Mosyon ki la, mon pe demande ki annakor avek seksyon 64(2), nou Lalwa lo lenterpretasyon e Provizyon Zeneral ki sa Lasanble i pas en

Mosyon pou *annul S.I. 56 of 2023*.

Mr speaker, ou a note ki dan mon Mosyon, mon pou re lir li an Angle akòz mon'n transmet li an Kreol pou dimoun konpran.

In accordance with Section 64(2) of the Interpretation and General Provisions Act, this Assembly resolves that S.I. 56 of 2023 is quashed. Mon ti a kontan Mr Speaker koriz sa mo 'quashed' e servi sa mo 'annulled.'

Sa mo 'quashed' in ganny servi par pratik par lafason ki Lasanble in ganny fer dan lefase. Me anba Lalwa li menm *Interpretation and General Provisions Act*, i pa servi sa mo 'quashed', i servi sa mo 'annulled.' Mr Speaker, mersi.

MR SPEAKER

Mersi. Wi Onorab, anba *Standing Orders* en *minor amendments* ki pa sanz en Mosyon i kapab ganny aksepte. E mon aksepte sa. Madanm Deputy Clerk, i enform mwan ki *SBC* pa pe pas Lasanble an se moman, mon krwar i dan lentere Manm e dan lentere piblik ki sesyon i ganny pase.

Alor sa ki mon pou fer se demann en *technical adjournment*, pou permet nou kontakte *SBC*, e regarde ki zot

pozisyon. E apre sa nou a kapab fer en desizyon. Alor mon pou demann en *technical adjournment* pou 15 minit. Madanm Deputy Clerk mon a demann ou pou antre an kontak avek *SBC* atraver nou tim teknik si ou bezwen, pou verifeye ki pozisyon. E ki sityasyon pou ete pou nou. Mersi. Lasanble i *adjourn* pou 15 minit. Mersi.

(technical adjournment)

MR SPEAKER

... problemn in regle, prezan nou lo *SBC*. Nou ava enform nou piblik ki *Leader* Lopozisyon in *move* son Mosyon pou *annul S.I. 56*. E nou aprezan demann segonnman pou sa Mosyon. Manm ki pou segonde Onorab Aglae.

HON EGBERT AGLAE

Mersi Mr Speaker. Bonzour tou Manm e tou dimoun ki a lekout. Mr Speaker, mon pe segonn Mosyon pou *annul S.I. 56 of 2023*. Mersi.

MR SPEAKER

Mersi. Mosyon in ganny segonde Onorab Pillay ou ava met, (ki mannyer i dir sa) ou ava prezant ou Mosyon avek Lasanble.

HON SEBASTIEN PILLAY

Mersi Mr Speaker. Mr Speaker, mon pou zis ler, mon pe komans mon lentrodiksyon pou prezant mon Mosyon, anliny avek presedans Lasanble ki ti ganny etabli pou Onorab Loizeau ler ou ti dan *chair*, kot SBC, pa ti pas en morso son lentervansyon ou ti donn li loportinite pou repete.

Mon pou enform SBC e piblik Seselwa an zeneral, ki ti annan 2 Mosyon lo *Order Paper* pou ozordi. Mon premye Mosyon ti en Mosyon pou anil S.I 51, ki ti annan pou fer avek bann (*Port and Harbour Dues*) *Regulation 2023*. Savedir bann dues ki bann bato oubyen bann dimoun ki servi Por, ou bezwen peye.

Mon oule enform Lepep Seselwa, ki mon ti *move* sa Mosyon. Mon ti alert sa Lasanble ki mon pou anmenn sa Mosyon le 6 Septanm 2023. E in pran 2 semenn apre ki mon vwar poudir...

MR SPEAKER

En moman Onorab Pillay. Mon war Onorab Hoareau in lev lanmen, mon pa konnen si i pe lev en *point of order* an relasyon avek sa ki pe arive. Ou pe met ou non lo papye? *Sorry*. Mersi.

Eskiz mwan pou lenteripsyon kontinyen.

HON SEBASTIEN PILLAY

Ok Mr Speaker. Ou kouto, mon lavyann.

(*murmurings off-mic*)

MR SPEAKER

Onorab sa... Onorab sa komanter i malapropo. E i mank respe pou Speaker, mon a demann ou *retract* silvouple.

HON SEBASTIEN PILLAY

Mr Speaker, mon pou *retract* sa komanter. Me mon bezwen dir pou dir mon'n fer sa komanter, akoz plizyer fwa ki mwan mon lev mon lanmen, pou mwan enteronpe pou mwan *raise* en *point of order*, mon fer konnen mon pe *raise* en *point of order*.

MR SPEAKER

Mersi.

HON SEBASTIEN PILLAY

I paretman poudir pou enteronp en Manm Lopozisyon ler i pe koze in vin en norm dan sa Lasanble.

MR SPEAKER

Mersi.

HON SEBASTIEN PILLAY

Mon pou kontinyen pou benefis SBC ek piblik Seselwa an zeneral pou zot konnen kwa ki'n pase dan Lasanble

bomaten. Yer ler mon ti vini dan Lasanble byen bomaten, piblik ti ava note ki mon ti alert Speaker lo en nouvo *S.I.* ki'n sorti. E sa *S.I.* ki pe fer i pe *repeal* en lot *S.I.* ki ti'n ganny entrodwir an relasyon zisteman avek sa bann (*Port and Harbour Dues*).

Malerezman sa moman, mon bezwen note larepons Speaker ki i ti donn mwan sete *Order Paper* i pa konsern mwan, petet mon pa konnen akoz sa in ganny dir. Akoz si a sa moman sa *S.I.* ti'n ganny mete lo *Order Paper e Revised Order Paper*, mon ti ava'n kapab donn Lasanble en notis pou mwan kapab fer *withdrawal* mon Mosyon.

Me lefe ki prezan ki aparet lo *Order Paper*, mon pa'n kapab bouz mon Mosyon bomaten. Rezon mon pe fer sa, se akoz sa Mosyon ki mon ti'n anmennen, i pe al dan laliny pou montre ki manner Gouvernman Mr Speaker, (malerezman parey mon'n dir bomaten mon pou servi sa komanter, en Gouvernman kanmaron).

Akoz i entrodwir en *S.I.* pou bann (*Port and Harbour Dues*), i dir i a pe met an aplikasyon. E ler mon anmenn en Mosyon pou *annul* sa *S.I.* prezan ki i anvoy en *repeal* kot Lasanble Nasyonal. Me

problenm ki in anvoy sa *repeal* kot Lasanble Nasyonal, e la mon swete ki medya i *carry*, ki *fees* ki pe aplike an sa i konsern bann *Port and Harbour dues*?

Kwa ki aplikab prezan? Akoz napa naryen ki aplikab, e i paret poudir ler nou Lasanble nou donn pouvwat lotorite konsernen pou fer Lalwa parey i ganny donner anba Konstitisyon, akoz se nou ki sipoze fer Lalwa - be nou donn en *residual power* anba bann regilasyon, pou Legzekitiv fer bann regilasyon pou li efektifman egzekite;

I kler prezan ki ler Legzekitiv in egzekite, bann antite pa pou konnen lo ki zot sipoze pe peye. E sa pou mwan en *raise* en problenm Mr Speaker. Mon ti ava ekspekte ki dan sa *repeal* ki *Port Authority* ki Minister Transpor in anvoy kot Lasanble, en *S.I.* ki sinyen par Minster Transpor Mr Speaker, ki ti *remind* mwan yer ki mwan mon pa en Avoka.

Mon konnen mwan mon pa'n zanmen sit *bar* e mon pa'n zanmen *fail bar*. I enportan, pa Mr Rene, ki ti pey mon *bar* pou mwan. Mr Speaker, i enportan pou nou note ki prezan i annan en *limbo*! E sa i neser pou nou met devan piblik Seselwa, pou piblik Seselwa konpran ki manner Gouvernman i

kontinyen fer mars aryer parey kanmaron, *about-turn* lo bann keksoz ki met devan Lasanble.

E sa i *transpire* bomaten e apre tou sa problem ki mwan mon'n ganyen pou anmenn sa Mosyon lo *Order Paper*, mon ti menm ganny *threatened* ki sa Mosyon *to be subjected to* en *adjournment of debate* pou fer *Port Authority* vin dan Lasanble.

Me sa ki piblik Seselwa i a note ozordi bomaten, napa okenn Mosyon *for adjournment* prezan pou vin fer *Port Authority* vin eksplike, akoz i pe *repeal*!

MR SPEAKER

Onorab ou pe koz lo ou Mosyon ki'n ganny retire. Silvouple prezan prosed, prosed lo ou Mosyon ki lo *Order Paper*. Mon krwar mon'n donn ou sifizaman letan.

HON SEBASTIEN PILLAY

Mr Speaker, mon pe zis *as is my right...*

MR SPEAKER

Mon krwar mon'n donn ou sifizaman letan pou ou fer ou lentrodiksyon. Silvouple prosed lo ou Mosyon ki lo *Order Paper*.

HON SEBASTIEN PILLAY

Mersi Mr Speaker. Lepep pe note. Mr Speaker, sa ki enteresan se ki prezan ankor

enn fwa mon'n oblize prezan an relasyon ek en lot size pou anmenn en lot Mosyon, pou fer anil en lot *S.I.* ki mon santi poudir Gouvernman pa'n ase *forthcoming* dan son lesplikasyon ki in donnen.

E ki atraver lo sa size *courier* e fer antre keksoz, menm la nou'n tann bann lanons an sa ki konsern bagaz lo *airport, cargo* pe kre en ta konfizyon. Ki Gouvernman i zis anons serten mezir san ki en lesplikasyon konkret i ganny donnen lo ki mannyer sa bann mezir pou efektivman marse.

E prezan sa i kre en problem. Taler ou'n dir mwan, ou'n donn mwan ase letan pou eksplike. Me i neserer Mr Speaker ki Lasanble Nasyonal i fer son louvraz pou *hold* Gouvernman *accountable* pou pouvwar ki nou'n donn li pou fer regilasyon. Sa enn *S.I.* ki nou pe koz lo la, i konsern *Postal Sector (Clearance of Courier Goods and Door-to-Door) Regulation 2023*.

Mon note Mr Speaker, ki an Zilyet 2023, *Cabinet* ti pran en desizyon zisteman pou entrodwir pou donn permisyon pou entrodwir sa bann regilasyon ki an pratik i sipoze fer lavi tou dimoun pli facil. Mon note ki apre lentrodiksyon sa regilasyon, i annan *at least*

en *courier service* ki'n fer sorti en lanons, kot zot in anonse poudir pou annan en lot *fee* ki pou *inclusive of VAT* ki *charge* nou bann *simplify* nou bann *bill of entries*.

Me apre ki mon'n sey rod lenformasyon, i paret poudir sa pa pe ganny met an aplikasyon ankor. Prezan kestyon ki mon pe demande, se eski ankor enn fwa parey sa (*Port and Harbour Dues*) nou'n met en regilasyon e i pa pou ganny met an pratik. Ki problem i annan pou li ganny met an pratik. Ki problem i pe kree, person pa konnen.

E sel antite, sel antite ki annan pouwar pou fer Gouvernman eksplike se Lasanble Nasyonal. E mon bezwen dir la Mr Speaker, ki Lepep Seselwa pa tro kapab kont lo mazorite dan Lasanble, akoz zot, zot pa pou enterese pou zot vin rod sa bann kestyon dan Lasanble Nasyonal.

Alors i tonm lo nou isi lo kote Lopozisyon, pou akt koman lavwa Seselwa pou demann lesplikasyon pou rod klarifikasyon. E pou asire ki bann mezir ki Gouvernman pe met an plas, i al dan lespri pou ed kominote biznes. I al dan lespri pou fasilite lavi dimoun, i al dan lespri pou fer ki pei i kontinyen marse lo en baz ki

annan *fairness*. E ki tou dimoun i annan en par sa larises ki nou pei i kapab kree.

Yer Mr Speaker, nou ti ganny en prezantasyon lo *Mid-year Review*. E nou ti war ki bann reveni lo *tax* pou desann par R800milyon. I pa en kwensidans ki bann reveni lo *tax* pou desann par R800 milyon. Akoz si nou regard *track record* Gouvernman depi komansman lannen, tro bokou desizyon pe ganny pran apre pe ganny retire, ki pe kre en lensertitid pa zis pou investiser potansyel, me osi pe kre en lensertitid parmi kominote biznes.

Par egzamp dan sa konteks ler nou vwar ki en *courier service* i bezwen fer sorti en lanons e i dir klerman lo son lanons ki sa i an repons en nouvo regilasyon, kot i annan en *fee* adisyonel ki piblik pou peye, i kler ki poudir prezan i annan en mezir ki sa servis i bezwen met an plas, zisteman pou li kapab kontinyen delivre son servis, anliny ek Lalwa ki'n ganny met an plas.

Me sa ki'n arive apre, in napa en lesplikasyon lo lapar bann lotorite konsernen pou vin devan pou eksplike, akoz dan le mezir ki zot in entrodwir sa servis, kwa ki pou arive avek. E si pou annan bann kou

adisyonnèl pou pep Seselwa, pou dimoun ordiner an sa ki konsèrn sa servis.

Mon a note Mr Speaker, ki en parti dan sa dokiman ki'n fer sorti, i site ki sa i annan pou fer avek bann *non-business*. Savedir nenport ki endividi i riske annan en *fee* adisyonnèl. So, si i annan en *fee* adisyonnèl, dimoun i bezwen konnen kwa ki i pou peye. Akoz *fees and charges* i fason ki en biznes i anmas son reveni.

E *fees and charges* i osi fason ki Gouvernman i anmas reveni, ler i takse sa bann *fees and charges*, oubyen li i anmas sa bann *fees and charges* direktèman. Mon konsèrn Mr Speaker, akoz pou mwan ler on annan en enstabilite Polisi dan en pei, i pa ede pou nou asire ki krwasans, i mars lo en nivo konsistan. E keksoz i ganny fer dan en fason sistematik.

Annou regard en pti pe sa *S.I.* Mr Speaker. Dan li menm ler ou lir li koumsanmenm, ou pa pou vwar kote i annan nesèrman problemm avek. Me ler ou al an detay e ou regard par egzantp serten eleman sa *S.I.*, par egzantp partikilyèrman seksyon 4 i koz lo en *courier service upon request of an entity, clear the goods of the entity, upon receiving the*

required payment unless otherwise agreed by the parties.

Pou mwan mon krwar ti devret annan en leksplikasyon pou sa. Bann lotorite ti devret pli *forthcoming* pou eksplike. E si bann lotorite pa pe vin devan pou eksplike Mr Speaker, Lasanble Nasyonal i bezwen obliz zot pou vin devan pou eksplike. I bezwen obliz zot pou zot donn lepep en lesplikasyon.

Me a sa pwen ki nou'n arive Mr Speaker, i paret ki ler Gouvernman i pran en desizyon, Gouvernman li menm i pa enterese pou li eksplike. Me kot i pli konsèrn mwan Mr Speaker, se ki si ou pe koz lo azout bann *fees*. Si ou pe koz lo en mezir ki fer monte bann *fees*, si ou pe koz lo en mezir ki pe rod fason pou Gouvernman kolekte plis larzan.

Si mwan mon en endividi, mon pe pey plis pou en servis, mon pou pas kou mon servis lo mon konsonmater. E si mon pas kou mon servis lo mon konsonmater, i fer ki mon konsonmater pou pey plis. Me ki lenpak sa i annan par egzantp Mr Speaker, ler ou get bann konsonmater ki reste Praslin, ki reste La Digue.

Tou mezir pou met plis *charges*, tou mezir pou met plis *fees*, tou mezir ki anmenn plis larzan ki par egzantp en biznes

potansyel i bezwen peye, si sa biznes pe vann komodite lo Praslin oubyen lo La Digue, otomatikman pri sa keksoz ler i ariv lo sa 2 zil i pou monte.

Sete pou sa rezon Mr Speaker, e dan sa lespri ki mon ti pe koz lo sa bann *Harbour Dues*, akoz zisteman ler ou ti pe atak sa bann bato, dan sa premye *S.I.* ki mon ti pe *annulled* Mr Speaker, pa atake, me ler ou ti pe met logmantasyon lo bann *fees* lo sa bann bato, lo sa bann endividi ou ti pou pe fer monte bann kou bann keksoz ki lo La Digue.

Bann *MNAs* ki lo zil zot a kapab *either* konfirm sa ki mon pe dir or dir sa ki mon pe dir pa vre, oubyen *deny* sa ki mon pe dir. Nou bi Mr Speaker koman Lasanble, se asire ki toultan lepep i toultan ganny en servis ki alaoter nivo devlopman ki nou pei in fer. Savedir en servis ki sipoze efikas, e en servis ki fer ki rann lavi tou dimoun bokou pli fasil.

E nou problem ki nou annan Mr Speaker, ozordi, e sa mon bezwen dir. E mon dir sa avek bokou regre, i malerezman dan lafason ki Gouvernman i desid son Polisi, oubyen fer bann prononsman lo Polisi, i annan tout en dekoneksyon avek lenplimantasyon.

Mon pou donn en legzanp Mr Speaker, pou ilistre sa pwen, kot par egzanp an sa ki konsern sa zafer *Customs* lo *airport*, bagaz i annan en *outcry* apre ki sa in ganny anonse.

Me person pa'n vin devan pou adres sa. *It's as if* Seselwa i ava konplent, apre i pou bezwen aksepte. Kestyon pou Seselwa ziskan ki tan ou pou zis aksepte? Sa ki vin en problem pou nou. E sa i al dan lespri Mr Speaker lentansyon Gouvernman ler i dir en keksoz e en lot keksoz i ganny fer.

Mon konnen taler mon pou ganny dir pou dir mon pe koz lo tou size, apard ki mon Mosyon. Me i nesaser pou etabli, i nesaser pou etabli konteks dan ki sa bann lenstriman Polisi pe pase. Annou pran enn ki fek aparet lo medya la resaman.

Dan en *statement* Sef Deta, i koz lo en proze, e i dir pou dir bann *statement* ki bann group Lanvironnman i fer kot zot in dir ki 10poursan *wetland* pou ganny detri pa korek e zanmen pou arive.

Me malerezman nouvel apre i montre, sa destriksyon total ki'n arive avek sa landrwa, ki montre poudir Prezidan in *mislead* lepep! E Lasanble Nasyonal malerezman Lepep Seselwa in, donn menm

mazorite ki sa Prezidan i sorti ladan, pa pou zanmen kapab *hold* li *accountable* pou sa ki fer. I enteresan Mr Speaker.

E prezan se sa problem, nou al rod tou lezot dimoun pou blanmen a leksepsyon blanm sa ki sipoze a latet *decision-making*. Be oli Lotorite Plan? Oli Lanvironnman? E sa pou mwan se sa ki drol. E ou vwar aköz i enportan i pertinan pou nou deba ozordi bomaten, parey mon ti fer semenn pase. Pou fer pep Seselwa konpran sityasyon e konteks ki nou pei i ladan.

Prezantasyon ti ganny fer lo sa proze e par egzanp Prezidan e Vis-Prezidan li menm. I ti eksplik tou keksoz li menm. Me savedir li ki responsab pou sa destriksyon nou'n war arive. I enportan aköz sa i montre ki mannyer Gouvernman i pran desizyon dan labsans en regar ki dimoun i panse.

E se pou sa rezon ki mon pe dir ozordi bomaten Mr Speaker, nou a gete si nou pou annan en *Motion to adjourn* e Mosyon pou anmenn Minister Finans dan Lasanble. Mon a gete, i pou enteresan pou vwar si nou ganny ankor enn;

Kot nou bezwen annan koman Lasanble en *droit de regard* pou asire ki Gouvernman i fonksyonn dapre

manda ki nou'n donn li. E i onor lobligasyon ki i annan anver nou, pou li fer sir ki i gard sa konfyans ki nou'n donn li an premye lye toultan. Premye keksoz ki i konsidere. Aköz ler i vyol sa konfyans, i vin lo Lasanble Nasyonal pou *hold* li *accountable*.

Me sa ki nou pe fer bomaten Mr Speaker, an relasyon avek sa *S.I.* se pou *hold* Gouvernman *accountable* pou bann desizyon ki i pran. I a fer Mr Speaker, 3enm Mosyon ki mon anmenn pou *annul* en *S.I.* Premye ti lo *Electoral Commission*, an relasyon avek Komite ki'n ganny formen e kot mon santi poudir ti annan, ti devret annan. ti devret annan reprezantasyon bann parti politik lo la.

Napa bokou keksoz ki'n kapab ganny dir par lo kote mazoriter, apard ki kritik Komisyon Eleksyon ki ti la avan. Dan plas tret size ki ti devan zot, zot in deside pou kritik tou dimoun ki'n travay dan Komisyon Eleksyon. Me sa ki nou pe war *unfold* apre, in kler poudir i annan laranzman antre bann parti prenan *Electoral Commission* e kote mazoriter dan Lasanble. Zisteman pou sey vin fer Lasanble krwar ki poudir sa ki zot ti vin fer dan Lasanble i en

legzersis ki zot, zot pa ti konnen.

Tousala i al dan lespri montre Seselwa a gran piblik, rezon akoz zot ti fer en fot pou donn en mazorite *LDS* sa Lasanble an 2020. Tousala i pe montre e legzanp pe kontinyen montre nou sa.

E i enteresan Mr Speaker, i enteresan atraver ou mon note ki Onorab Woodcock i en Onorab sorti lo zil i riye ozordi bomaten. Me i enteresan atraver ou Mr Speaker...

(Interruption off-mic)

MR SPEAKER

Order silvouple. Les Leader Lopozisyon koz, fer son diskour. Mon konpran poudir bann pwen ki i pe fer i pa direktman lo *S.I.* me les li fer son pwen. Onorab Pillay silvouple kontinyen.

HON SEBASTIEN PILLAY

Mr Speaker, mon ti pe zis servi sa legzanp pou ilistre ki mon bezwen sipor. Akoz ler ou war en *MNA* ki reprezant zabitan lo zil, e mon ti annan en *S.I.* bomaten ki mon ti pe anil bann *fees* ki pou fer ki son bann zabitan pou pe bann komodite plis. E riye e i rikannen dan Lasanble, i montre ou ki kantite

regar i mete lo sa ki son bann sitwayen pe pas anba la.

Se sa ki mon pe met devan Lasanble. E lesansyel ki mon le fer se mon oule konvenk Lasanble, ki poudir letan in arive pou nou zis aret siport Gouvernman akoz nou sorti dan kote Gouvernman. Letan in arive pou nou debout a kote pep Seselwa, e pou nou dir pou dir si nou pa dakor ek en keksoz nou pa dakor avek.

Mr Speaker, dan sa *S.I.* an sa ki konsern par egzanp *door-to-door delivery* napa problemn avek sa. an sa ki konsern *postal Public Operator* mon napa problemn. Akoz, mwan menm mwan mon ti pe argimante anba son *EMS System*. Eski lapos osi pou kapab fer sa? E ou a rapel mon ti pe argimant en *clause* dan sa Lalwa, ki ti pe efektifman restrikte Lapos.

So, i annan keksoz ki mon pa war problemn avek. Me selman mon problemn i avek serten seksyon ki fer ki akoz dan mank en lesplikasyon, dimoun pa pe konpran. So, Mr Speaker, vwala nide deryer anmenn sa Mosyon *to annul sa Postal Sector (Clearance of Goods, Clearance of Courier Goods and Door-to-Door) Regulations, 2023.*

Mon'n fer mon prezantasyon baze lo konteks ki

pei i ladan. Mon'n regard sa *S.I.* dan son totalite, mon'n osi regard tou bann prononsman ki *Cabinet Minis* in fer lo sa size. Mon'n sey rod lezot eleman ki montre ki poudir nou annan bann konsiltasyon.

Sel landrwa ki mon'n war poudir nou annan konsiltasyon, se sorti kot Minister Finans kot i dir "*the drafting of the regulation follows numerous consultation with support of the courier companies and Seychelles Postal Service*"

Me sa ki mon krwar ti devret annan se ki ti devret annan en *droit de regard* osi, lo sa ki sitwayen ki pou servi sa bann servis i panse. E si sitwayen pa'n ganny sans ganny konsilte, i reste lo lavwa lepe prezan pou li akt lo non sitwayen. Vwala rezon Mr Speaker ki mwan mon'n anmenn sa Mosyon ozordi bomaten. Avek sa Mr Speaker, *i beg to move*. Mersi.

(APPLAUSE)

MR SPEAKER

Mersi Onorab.

MR SPEAKER

Mon a donn laparol Onorab Aglae, segonder Mosyon.

HON EGBERT AGLAE

Ankor enn fwa, mersi en bonzour tou dimoun ki a lekout. Mr Speaker, mon pour kontiny dan laliny loter Mosyon Onorab Pillay, kot i konsern nou travay isi koman Manm Parlman Lasanble e nou rol pour annan sa *oversight* lo sa Gouvernman i fer, e bann desizyon ki afekte nou pep e ki nou pa bliye poudir nou la koman reprezantan Lepep, pa reprezantan Gouvernman.

E dabor mon tre konsernen, mon'n asize mon'n reflexir, pe sey konpran enn ler ki direksyon sa Gouvernman i anvi ale; aköz en zour ou leve, ou tann en publikasyon in ganny fer, ou ale ou dormi ler ou leve lannmen ou tande in ganny tire.

E sa i pa premye fwa Mr Speaker, a diferan repriz nou'n vwar, kot dan Gouvernman i bezwen *backtrack* lo bann regilasyon ki in bibliye.

Nou'n annan bann regilasyon avek *SMSA*, nou annan kot i konsern *tourism tax, levy*. E pour mwan Mr Speaker, mon'n dan sa sizyenm Lasanble mwan, oparavan, in annan bann dezakor lo bann *Bills* ki'n vini, lo bann *S.I.* ki ti en pertinan dan en sans e kot Lopozisyon sa letan, *LDS* ti met zot bann pwen devan e bann

rezon akoz zot krwar poudir zot devret anil, ouswa al fer serten travay ankor lo serten *Bill*.

Me sa pa ti ariv frekaman sa. konpare ozordi avek sa Gouvernman ki preski tou lazournen nou pe vwar bann *Bill* ki vini, ki bezwen retournen, re al aranze, *defer*, ouswa retir li e apre al re-Gazete.

E enn bann rezon akoz sa i arive Mr Speaker, se ki nou annan en Gouvernman ki pa oule ekoute. Zot le tay ek tou keksoz; zot pa le fer bann prosedir konsiltasyon ki wi i pran letan akoz konsiltasyon i enportan, pour ganny diferan lopinyon avek bann parti ki ganny afekte par bann Lalwa ki nou met devan.

E nou ler nou lo sa kote, nou sey lager poudir be nou bezwen letan pour regard sa bann Lalwa, ki parfwa nou pe ganny zis bann *waive of Standing Orders*, pour *bypass* sa dele letan ki Lalwa i demann nou pour pas en *Bill* avan Gazete, ler in Gazete ler i ariv kot Lasanble, nou'n vwar sa dan diferan lenstans.

Prezan kestyon ou demann ou lekor eski sa fason travay i en fason travay korek e ideal, pour lavansman nou lenstitisyon demokrasi ki

Lasanble Nasyonal, atraver nou rol pour pas Lalwa?

E menm tan dan sa Lasanble Mr Speaker, en lenstitisyon kot mon travay la, nou vwar bann diferan repriz kot nou pe ganny anpese fer serten sa bann travay. Nou pe ganny limite pour demann kestyon, limite pour koze, ki rol primordyal en Parlman, en Parlmanter konmsi Jenny Letourdie ki ti la dan sizyenm Lasanble, Parlmanter se pour *parler*, nou dan en Parlman, me selman nou lo sa kote *US*, nou pe ganny siprimen letan nou anvi met nou bann konsern devan.

MR SPEAKER

Onorab. Plizyer, *Order* – mon pe tann ankor bann konplent ki'n ganny fer plizyer fwa. Silvouple adres Mosyon.

HON EGBERT AGLAE

Mr Speaker, la i enn bann premye lenteripsyon la. Mon kontinyen poudir, si nou ti napa en devwar responsab nou ti pour les Gouvernman vin ek tou son *Bills*, son bann *S.I.* les pase si afekte Seselwa, nou, nou poudir be sa pa konsern nou, les li Seselwa in deside elekte son Gouvernman les zot ek zot roten ki pe fwet zot. Be nou, nou annan en

responsabilite, poudir kot i mal, i mal, kot i byen, i byen.

E lafason ki nou vwar keksoz i ale, letan mon vwar sa bann *S.I.* i fer mwan krwar poudir napa lentere sa pep, i annan zis en lentere pour rod tou pti sou ki zot kapab pran avek sa pep, e yer nou'n vwar la, avek *Mid-year Review*, problem ki Gouvernman pe pas atraver, lo kote son *forecast* anmas son reveni, plis ki R800milyon nou pa ankor kapab avek target - nou target ki ti'n *set*.

E sa nou'n vwar dan bann sif ki'n montre nou poudir, i lakoz osi serten bann desizyon ki Gouvernman in pran ki nou'n ariv koumsa.

Zot blanm nou lo diferan keksoz, par egzanp plis ki 200milyon nou pa kapab kolekte letan ou tir *business tax* - 5poursan dan *business tax*, lo sa bann gro antite lakonpanyen, plis ki 200milyon nou pa kapab anmase.

Sa i akoz, nou konekte, nou annan nou bann dalon ki annan sa bann gro lantrepriz, gro biznes, nou le fer faver.

En lot keksoz ankor, nou koz bokou lo *ease of doing business* dan sa pei, e sa *S.I.* i annan pou fer avek bann biznes ki *provide* servis kourye pour

bann antite, ouswa bann endividi, ki bezwen sa servis atraver zot bann prokiran enternasyonal ki zot, zot fer dan bann - i kapab lo *onsite* ouswa zot bann *orders* ki zot fer.

E letan nou koz *ease of doing business*, e mon en pe konsernen poudir, *the next rating* pour 2024, mon pa pour vwar li drol, si nou *rating* i tonm ankor, lo kote *ease of doing business*.

Akoz mon pe dir sa Mr Speaker? Gouvernman pe pran li en lapros ek en larout kot i pe rod tou fason, pour anmas reveni - napa problem ek anmas reveni mwan - me fason fer li ki en problem.

E letan zot pe - mon pe kalkile sa lefe ekonomik ki anmennen lo biznes e bann endividi sa pep. Nou deza konnen poudir Sesel i ser, nou deza konnen poudir bann pri servis i deza en to eleve, me nou vin ankor avek bann *S.I.* pour kapab met ankor en lot form *tax* mon poudir lo servis.

Be ki sa i vedir? I vedir kou servis pour kontinyen ogmante. Nou koz gro labous nou'n donn 10poursan ogmantasyon saler? Be letan nou pe regard sa bann kou servis, sa bann *S.I.* sa bann regilasyon ki zot vin avek ki annan lenplikasyon ekonomik finansyel lo dimoun, sa

10poursan in fini ganny abzorbe. ‘*Vanished*’ parey nou dir Angle ‘*into thin air*’. Si pep Seselwa pa pe konpran sa, pa pe vwar sa, mon krwar nou annan en problemn.

Ou pe dir nou avek sa bann kourye, ki zot pour bezwen egzize ki zot pour *carry door-to-door delivery*. Annou par egzantp lapos, lapos tradisyonnelman, i ti pe delivre son bann, bokou son bann let bann korespondans, ki ganny pas atraver zot sistenm, deza pe delivre.

E ozordi nou annan en lot servis *online* ki lapos i pe atase avek, avek bann *orders*, ki ou al kolekte. E la ou pe dir li i bezwen delivre, prezan eski lapos li menm li koman enn sa bann lorganizasyon ki donn sa servis, i ase ekipe avek *manpower* pour fer tousala?

E nou ti dir ler *postal sector* ti vini la *Bill* la, ki manner ou bezwen prepar zot, ek en bon sistenm, byensir ou bezwen get zot - la ou pe al donn zot *additional task*, ou bezwen reminer zot; ou bezwen petet annan en *allowance* adisyonnell, ou pour bezwen annan ou en meyer sistenm transportasyon, ou pour bezwen annan ase landrwa osi, petet pour mazin en kote ou

gard ou bann keksoz *stock as storage*.

E tousala i vin avek en kou sa, prezan sa kou i bezwen pas lo konsonmater li. E se sa ki mon pe dir lenplikasyon ekonomik parey ek bann *courier*, ki *operate* dan Sesel, parey nou annan *FedEx*, ou annan *DHL*, zot, zot deza pe donn sa servis, aköz? I annan en faktor ki ganny *bill* letan ou *order* en keksoz ki pe antre, me si in sot sa sonm ki ou *allowance* ki ou gannyen ki R3000, la ou bezwen annan ou *bill of entry*, ki ou bezwen pey en *agent*, pour li tir ou keksoz si ou pa pe kapab fer li ou menm. I deza annan en kou la.

E la ou pe al met ankor *another charge* lo la, pour ou kapab ganny ou prodwi ki ou'n rekomande e si ou dan biznes, ki i vedir sa? Ou pour bezwen pas lo ou konsonmater, pri lavi i kontinyen monte, se *sa the end* ki nou pe vwar la e nou, nou santi poudir i bezwen annan plis konsiltasyon.

E Mr Speaker, sa semenn letan mon tann *VP* lo televizyon anons lo kote Erport, lafason ki zot krwar poudir bann – mon pou dir sa bann pti leve debourye mwan, aköz bokou i pey en tiket i mont lo avyon al *Dubai*, i al Sidafrik, i al *Maurice* pour zot al rod zot ganny pen,

zot bann *order* ki ganny mete pour zot desann avek Sesel, pour zot vin revann.

E lanons ki'n ganny fer, bokou ki pe fer sa ban tranzaksyon i ankor dan konfizyon total. Napa ase lenformasyon i ganny met devan *and it's not a well thought-through* desizyon. Akoz mon dir sa Mr Speaker?

Premyerman, si ou pe al lo en avyon, ou ganny ou de 20 kilo sepa de 23kilo, ouswa trwa 23 ou kapab desann ek sa, sa ki ou anv *as long* ki ou *stick* ek sa kantite *weight* ki'n donn ou, *ok*.

Ladwann i fer son travay si ler i vini, i vwar serten keksoz ki i prezimen, i pa zis pou ou personnel, si ou pa'n deklare, ouswa ou bezwen dir sa i pour mwan ek mon fanmir e letan i vwar keksoz ki an plis ki i soupsonnen sirtou ler ou pe antre ek douzenn, 2 douzenn dan sak keksoz i vwar poudir ou annan en lentansyon ekonomik avek sa keksoz, mon krwar la, ou bezwen pe deklare, e pey sa *tax* ki nesese lo la. Sa i normal sa! Bezwen fer sa travay.

Me kot problem i vini la avek sa desizyon, se ki ou pe dir sa dimoun li, ki li in aste in pey ankor 2,3,4,23 ankor ki i pe peye, legalman i annan drwa fer sa, kantite ki i anv peye i kapab

peye li, *as long* ki i annan son larzan pour li ganny ekstra kilo.

Prezan ou bezwen dir ek li ek ou lanons, eski *point of origin* kot mon sorti laba, mon bezwen deklar koman *cargo*? Akoz kot ou sorti laba li, li i pa enterese si ou pe al revann sa kot ou li, li i enterese avek son prosedir ki lo, ki ou pe pas atraver, ki anliny e ki'n ganny peye.

Prezan ler pour ariv isi, ou pou'n vin dir li prezan i bezwen pas tou son keksoz - non ou pa pe kapab sorti avek sa la, fer *cargo* pour tou keksoz. Se sa ki mon pe demann plis leklersisman, akoz i pour annan konfizyon e zot pe koz lo anbouteyaz laba Erport, prezan ki pour annan ankor!

Gouvernman atraver Minister Finans, atraver *Trade* i bezwen vin kler leksplikasyon kler, mon a pas ek mon personnel, de 23, trwa 23, apre ou a kapab si ou'n vin ek ekstra ale laba, si i sot sa *allowance* ki'n donn ou, ou a fer ou *Bill of Entry*, ou ava al tire.

Be pa sa ki dimoun pe konpran, so se sa Mr Speaker, mon krwar i bezwen annan bann lenformasyon ki bezwen sorti, ki pour kapab gid dimoun.

En lot pwen Mr Speaker, ki mon anv fer resorti letan nou pe lager ek sa *S.I.* pour anile, se

ki nou pa ankor pare avek en *proper billing and addressing system* Sesel.

E Onorab Georges atraver sa Mosyon lo *postal* pour etabli sa *body*, parfw bann *delivery agent* i perdi letan, pour al rode kot en tel i reste e tel i dir,

“Kot sa laboutik”,

“Kot gro pye mang”,

“Kot larivyer”,

“Apre pon”,

“Apre madanm entel”,

“Apre sa lotel”,

“Apre sa *guest house*” ou pour vwar li, lale –

Be *we need* en *proper addressing – billing addressing system* kot lakaz – dan *housing estate* mon ti dir, i *ok* i fasil. Perseverance i en legzanp, enn nou kreasyon 43an sa! Ki par kont zot ti konplent konblaz ki zot pa ti le, la ozordi nou annan Onorab ki pe reprezant Perseverance. Be si ti napa? Ti pour napa en Onorab laba! So 43an progre nou’n fer nou bout nou, zot, zot sipoze pe fer byen, be adres sa bann *issues*, avan sot devan pour vin zis avek en *S.I.* pou fer nou krwar poudir zot pe adres keksoz kan annefe *underlying it*, zot pe rezourd sa bann problem.

Zot pe kree plis fristrasyon, plis problem dan nou sistenm! E apre zot le akiz nou letan nou dir i vini nou dir

Minis in koz lalang ek nou ler i vin sa Lasanble, pa nou louvraz! Be in koz lalang, nou’n vwar yer.

Bomaten i vini i dir nou enn apre midi i dir nou en lot i vini i dir nou lot, nou vwar e zot ti pe rod fason pour siprim nou pour nou pa koze menm.

Be eski sa i en fason pour nou travay dan sa Lasanble? Zot dir nou annou travay ansanm, me zot pa vwar poudir i annan serten keksoz. Konmsi, mon pa pe dir zot vir kont zot Gouvernman mwan. Mon pe dir zot poudir sa ki zot ti fer ler zot ti dan sizyenm Lasanble, ler zot ti dan Lopozisyon be fer li parey zot ti fer! Pa fer pep Seselwa perdi konfyans ek zot.

Alors Mr Speaker, mwan mon pare e mon pour siport okenn Mosyon ki *Leader* Onorab Pillay i anmennen pour fer bann *annulment* kot mon krwar pour dir *it's not well thought through!*

I pa pe anmenn nou plis devan, i pe kree bann lenplikasyon ekonomik pour nou bann dimoun, nou pe fer lavi vin pli ser.

E mwan mon pour siport sa akoz I *stand for the people*. E la Mr Speaker, (mon kontan ler lot kote i riye i gognarde) akoz zot menm zot apre, letan pour al fer kanpany, zot dan laport

sa menm dimoun ki zot pe afekte, pour al demann vot!

Mardi, Merkrede zot siporte, rod tou fason e ler nou, nou pe sey lager poudir be sa i mal annou get pep en kou, *weekend* Sanmdi devan laport dimoun, donn mwan sa sipor, ki ou problem? Ki lot?

E lala Mr Speaker i annan en keksoz mon ti anvi yer, an terminan. Nou'n vwar en koupir, dan Bidze *Mid-year Review* 15milyon, pour sa *Poverty Alleviation, Vulnerable Housing Repair*, 15milyon in ganny tire.

Selman Gouvernman pe demann Ladministrasyon Distrik atraver DA, al get problem dimoun, bann ki annan sa bann problem pour soumet bann *file*, bann lot.

E menm mon pour dir koumsa, i annan bann reprezantan parti politik LDS, ki pe travay ki pe donn lord DA dan distrik pe demande, "DA be kan pour fer sa louvraz, nou pe espere Prezidan in dir dan de semenn fodre fini rezourd sa problem?"

Ou pour rezourd problem ek kwa, ki larzan? Ou'n koupe, ki mannyer pour al enplimant sa li DA?

MR SPEAKER

Onorab ou ti pe al terminen? 20minit.

HON EGBERT AGLAE

Se sa ki mon pe dir *it's not* – bann desizyon *it's not* ...

MR SPEAKER

E ou nepli, ou nepli lo Mosyon alor *please* terminen.

HON EGBERT AGLAE

So Mr Speaker, mon ti kapab koze ziska midi, be mon ava termin lanmenm.

MR SPEAKER

Mersi.

HON EGBERT AGLAE

Mon pe montre poudir fodre zot fer konsiltasyon, fodre zot ekoute, pa zis dir nou annan en *super majority* dan Lasanble nou ki la, akoz pouvwar la i fer ou vin aveg si ou pa konn servi li! Mersi Mr Speaker.

MR SPEAKER

Mersi. Onorab John Hoareau.

HON JOHN HOAREAU

Mersi Mr Speaker. Bonzour Mr Speaker. Bonzour tou dimoun a lekout. Mr Speaker, mon le met lo rikord, ki lo nou kote latab, nou kondann sa *dispicable behavior* ki ti arive yer, par 2 Manm Lopozisyon.

E vi ki nou pe selebre 30tyenm Laniverser nou Lasanble, mon panse poudir nivo deba, nivo konportman, i devre bokou pli alaoter e i devret reflekte osi sa demokrasi ki nou pe koz lo la.

I devret osi en keksoz ki anmenn pour bann dimoun deor en serten ledikasyon, non pa kree en kalite lanimozite kot napa respe pour bann dimoun, ki dan lotorite e bann dimoun ki diriz nou. Sa mon ti le met kler.

Mr Speaker, mon'n ekout sa de entervenans avan mwan malerezman mon vremen, vremen dezapwente, napa enn ant le de ki'n koz lo sa *Bill* – lo sa *S.I.* ki devan nou...

MR SPEAKER

En moman, en moman

HON JOHN HOAREAU

In napa enn antre zot ki'n donn ...

MR SPEAKER

En moman Onorab. Onorab mon pour enteronp ou taler mon ti enteronp Onorab Pillay e *obviously* mon krwar, i pe teste mwan. Onorab Pillay ki ou *point of order*?

HON SEBASTIEN PILLAY

Mersi Mr Speaker. Mon pa pe teste personn mwan Mr

Speaker. Mon ti a kontan ganny ou gidans. Ler nou, nou koze ou enteronpe, ler nou fer sa bann *statements* ou aret nou, ou aret nou! Nou'n koze nou pa'n fer *statement* anver okenn lezot Manm Lasanble, nou pa'n fer en *statement* anver okenn lezot dimoun, pour akiz zot sa ki'n arive la.

Anba *Standing Order* koman Speaker, ou sipoze protez Manm Lasanble. En Manm i pran laparol pour li kondann aksyon en lot Manm e apel li *dispicable*, i a pe *impute* en *improper motive*.

Me selman – (mon pa'n apel zot, mon'n apel Gouvernman) - An be zot, zot Gouvernman!

(Interruption)

HON SEBASTIEN PILLAY

Be mon ti krwar zot Lasanble zot mwan! Ayoyo! Be ki manner ou kapab konpran sa!

MR SPEAKER

Silvouple mon krwar- Mersi Onorab.

HON SEBASTIEN PILLAY

Mr Speaker, eksplik mwan en kou. Eksplik mwan en keksoz Mr Speaker. Yer Minis Derjacques i komans reponn en kestyon...

MR SPEAKER

Onorab Pillay mon'n - mon'n tann ou pwen, mon'n tann ou pwen nou pour aret la. Mon'n permet Onorab Hoareau fer sa bann *statement* akoz, akoz sa bann kalite *statement* in ganny fer lo zot kote osi.

E mon apresye, mon apresye ki Onorab Hoareau in fer son *statement* dan en minit e prezan in prosed lo Mosyon e mon anvi ankouraz li, e mon anvi ankouraz bann Manm ki zot kontinyen fer - si zot annan en komanter pour fer e zot fer li bref koman en lentrodiksyon mon aksepte sa mon pa enteronpe.

Onorab Aglae in ale pour plis ki 5minit lo kestyon ki pa ti lo Mosyon, so la i la ki mannyer keksoz i marse. Onorab Hoareau i a kapab kontinyen silvouple.

HON JOHN HOAREAU

Mersi Mr Speaker. Mon le dir Mr Speaker, ki mon vreman dezapwente avek Lopozisyon e sa Mosyon ki'n ganny anmennen devan ozordi, pour annul sa *S.I.* 56.

Mr Speaker, napa enn antre sa de entervenans ki'n koze avan mwan ki'n koz lo sa *S.I.* e dir kwa ki mal avek sa *S.I.*, nou'n vwar tous sord kalite

litani problem, in koz lo Gouvernman pa konsilte, Gouvernman pa ekoute, nou koz lo biznes, lo *ease of doing business*.

Me senpleman nou fek tande dan Nouvel ki Sesel in ganny *BB-* par *Fitch Rating*. Vedir en pei-

(APPLAUSE)

HON JOHN HOAREAU

Vedir i en pei, ki bon pour lenvestisman, ki annan bann lenfrastruktir, bann Lalwa ki *conducive* pour lenvestisman.

Mr Speaker, le mon pe ekout sa de dimoun ki'n koze avan mwan i fer mwan vwar poudir zot pa'n lir sa *S.I.* ki devan nou. Sa *S.I.* i dir ou koumsa poudir si ou pe get seksyon 5(2) i dir, "*subject to regulation 4(2) all courier services shall deliver the postal articles at no cost to the customer*".

Ki kou ki zot pe koz lo la? Ki mannyer sa pou fer pri lavi ogmante?

Mr Speaker, sel keksoz ki petet pour annan en kou avek, se *custom duties, custom duties* i normal! Nenport ki dimoun ki antre avek en keksoz Sesel, si sa keksoz i *taxable* par *Customs*, i bezwen pey son *tax* e

sa i a ganny *invoice*, i ava al lo kou sa *customer*. Me *to door-to-door delivery* napa okenn kou.

Mr Speaker, parey Minis ti fer nou apersevwar yer, Lopozisyon i vwar salte dan en semen kot i prop. Mr Speaker, ler nou pe get enn pti pe lepase nou vwar poudir Lopozisyon *Leader* Lopozisyon in deza anmennen en *S.I.* pour *annul*, *S.I.* 148 2020. Li menm li in oublie, i dir in anmenn zis de Mosyon pour *quash S.I.* sa i son premye Mosyon pour *quash S.I.*

E nou ti siport li dan sa Mosyon. I montre ou ki nou ti en, nou bann dimoun rezonnab, parske ti annan rezon pour nou siport li, pour sa Mosyon. I ti ganny li 18 vot an faver, 0 vot kont e 9 abstansyon.

E *State House* ti ekout li, *State House* ti form en Komite kot Onorab Cosgrow ek – lo zot kote e Onorab Mondon lo nou kote ti al diskit sa *S.I* ankor. Selman i vin la i vin dir nou Gouvernman pa ekoute!

Mr Speaker, nou vwar poudir Lopozisyon i pri dan en negativite, nou vwar ki Lopozisyon i dormi aswar e reve poudir i bezwen opoze, alor i rod en keksoz i al opoze. E sa pa pou anmenn Sesel pli devan.

Nou ler nou ti dan Lopozisyon, vreman ti annan

keksoz ki nou ti opoze, par egzanzp ler *DICT* ti pe servi son Bidze pour li fer politik kanpany politik lo *screen* tou bann travayer *public service*, nou t i opoze, nou ti *freeze* son Bidze.

Ler ki bato Larme ti sorti, ti ganny demande pour - ti ganny met en laliny *budget* pour li al fer *maintenance* dan Lenn, e bann *procurement procedures* pa ti kler, nou ti *freeze*, wi! Me selman nou ti *freeze* aköz en rezon.

Nou vwar poudir Lopozisyon, i vini anv *annul*, i anv *annul* bann *S.I*, me selman zot menm zot pa ni konnen ki zot poudir lo sa *S.I*. Napa enn antre zot ki'n donn en rezon aköz zot bezwen *quash* sa *S.I*.

(APPLAUSE)

HON JOHN HOAREAU

Zot sel bi Mr Speaker, se met retar dan travay Gouvernman. Ler nou, nou sey aprezan anmenn bann dimoun, bann teknisyen devan pour vin eksplike parey zot dir zot napa lenformasyon, nou anmenn teknisyen devan pour eksplike, zot *walk out!* Zot taye!

Sanmenm sa ki nou pe dir sa Lopozisyon pa responsab! E se pour se la rezon Mr Speaker, nou lo nou kote latab nou kler

poudir sa *S.I.* i pe al dan bon direksyon. E nou le fer kler ki semenn pase, *Leader* Lopozisyon ti dir nou koumsa poudir olye anmenn dimoun pour vin eksplik bann *S.I.*, nou konnen nou pour vot kont, aköz nou pa vot kont en sel fwa e fini sa travay e pa gaspiy letan Lasanble!

Mon ava lir *verbatim* ki *Leader* Lopozisyon ti dir. I dir, ‘I fer trwazyenm repriz si pa dezyenm repriz dan sa Lasanble, ki ou *allow* en Mosyon *to adjourn*, kan en mazorite si zot pa dakor en Mosyon, zot kapab vot kont. Me ou Mr Speaker”, i kontinyen pous pour li larg son bann venen, poudir “ou Mr Speaker Lasanble i pour ou e ou fer sa ki ou anvi”.

Mr Speaker, nou, nou kler lo sa size, e nou kler lo sa *S.I.* Nou pa vwar okenn rezon pour nou *quash* sa *S.I.* e napa okenn rezon, ki'n anmennen bomaten ki pour konvenk nou poudir nou *quash* sa *S.I.*

Alor Mr Speaker, mon pou servi Lartik - mon pour evok Lartik 24(2) anba nou *Standing Orders*, e mon pour *move* ki *the debate be now closed without amendment or debate* e demann ou pour pran en vote.

Mon pa pe *infringe* lo okenn *minority rules*, se aköz *minority* ki ti demann sa...

(APPLAUSE)

HON JOHN HOAREAU

Mr Speaker, mon enplor ou ki nou *close* sa *debate* e nou *take it to a vote*. Mersi.

MR SPEAKER

Mersi Onorab. Mon krwar sa Mosyon, sa propozisyon ki ou'n anmennen i anba diskresyon Speaker. Me mon krwar mon pa pare pour vwar deba fermen an se moman. Mon le konnen lekel ki pour koz lo sa Mosyon ankor?

Onorab Uranie ek Onorab Cosgrow. Mon pour pran Onorab Uranie Onorab Cosgrow e Onorab Loze e apre Onorab apre nou pour termin deba. Mersi. Onorab Vidot, wi mon a met Onorab Vidot. Mersi.

Mersi, mon pou permet sa bann Manm pran laparol e apre nou a termin deba. Bon be nou ava ekout en Manm la. Onorab Cosgrow ti'n lev lanmen premye mon krwar. Onorab, ou annan laparol.

HON WALLACE COSGROW

Mersi Mr Speaker. Bonzour Mr Speaker. Mr Speaker, i enkrwayab mannyer ler ou

annan en mazorite, mazorite absoli mannyer zot anvi pez lo minorite dan Lasanble Nasyonal, *to the point* ki zot anvi aret deba lo en – lo en Mosyon Mr Speaker, ki annan lenterere pour pep Seselwa!

Be Mr Speaker, enterven an ki'n koz avan mwan, i dir pa konnen akfer ki nou bezwen - kwa ki mal avek sa *S.I.*

Mr Speaker, be Gouvernman li menm li sa Gouvernman ki ou dir ou reprezante, li menm li ki'n met sa *on hold!* Zot pa pe bouze avek sa bann provizyon ladan so *basically* sa *S.I.* pa an aplikasyon, lala kwa ki mal! Kwa ou pa konnekte avek ou Gouvernman pour ou konnen kwa ki mal!

Mr Speaker, ou konnen depi letan *SNP* pe kanpanya dan zot bann *rallies*, tou kou zot ti dir, zot en Gouvernman liberal. E mon krwar Seselwa pa'n realize, pa'n konpran ki savedir en Gouvernman liberal.

E dayer Onorab Georges atraver ou Mr Speaker, tou kou i dir nou, *remind* nou dan Lasanble poudir zot en Gouvernman liberal. Me Mr Speaker, si Seselwa pa ti ankor konpran ki savedir liberal sa letan, ozordi Mr Speaker, ler zot get sa bann kalite zafer ki sa

Gouvernman pe fer, sa bann kalite Lalwa Polisi, mon krwar ozordi pep Seselwa in konpran ki savedir en Gouvernman liberal, kapitalis.

Mr Speaker, ozordi dan sa Lasanble nou pe fer en travay ki annord avek nou travay koman bann Lezislater, bann Manm Lasanble Nasyonal.

Nimero enn Mr Speaker, nou travay se pas Lalwa, *deal* avek Lalwa. Ozordi *Leader* Lopozisyon anmenn en Mosyon pour *deal* avek en Lalwa, ki nou santi poudir sa Lalwa pa devret vin an aplikasyon, e sa Lalwa i devret ganny *annul*.

In fer son *case* akoz ki sa Lalwa i devret ganny *annul*. I form parti nou louvraz sa, si lot kote latab pa kontan, pa aksepte zot kapab pa partisip dan deba parey zot in fer, zot anvi *adjourn* deba, kennsel deba, zot kapab pa partisipe si zot oule.

Me nou lo kote sa latab nou pour fer nou louvraz, nou travay pour nou reget bann Lalwa ki Gouvernman i vin avek, akoz se sa nou louvraz.

Mr Speaker, *oversight; part of* nou louvraz se *oversight*. Nou bezwen annan *oversight* lo Gouvernman, ler nou santi ki keksoz pa pe al byen pour lamazorite sa pep. Si zot pa kapab fer sa louvraz *oversight* i

pa nou problem sa, nou, nou pour kontinyen fer sa louvraz *oversight*.

E Mr Speaker, zisteman ozordi sa ki met - Mosyon ki *Leader* Lopozisyon anmennen se pour reprezant Lepep, reprezantasyon Lepep, e zisteman ki nou pe fer bomaten, Mr Speaker.

E ler mon dir sa Mr Speaker, nou - mon krwar nou bezwen remarke, pep Seselwa i bezwen remarke, i annan en *pattern* ki pe ganny etabli ozordi dan sa pei, anefe depi ler sa nouvo Gouvernman in vin i o pouwar; i annan en *pattern* ki pe ganny etabli.

E sa *pattern* Mr Speaker, se fer en desizyon, pran en desizyon san konsiltasyon, apre *backtrack* lo la retourn an ayer.

E mon osi mon pour zwenn *Leader* Lopozisyon mon pour dir, set en Gouvernman ki *operate* parey en kanmaron! Be i larealite, i lefe zot kapab pa kontan si zot le! Zot pran en desizyon apre zot *backtrack*! Mon a donn ou en legzanp Mr Speaker.

Yer Mr Speaker, dan Lasanble Nasyonal sa Minis ki sipoze en Avoka, in vini in dir nou en pake zafer, en Avoka ki'n fel trwa fwa *bar* peye par Mr Rene, i sipoze konn son Lalwa i vini, i vin dir nou en pake zafer,

me solman ozordi nou vwar en, nou vwar en *Order Paper*; nou vwar en *repeal Bill*, pour *repeal* sa Lalwa ki'n sipoze sorti dan son Minister ki li in fer Mr Speaker! Sa i enn.

Dezyenm Mr Speaker, parey mon'n dir boner, i annan sa *Postal Sector Regulation* la ki on *hold* pour lemoman, i pa ankor *repeal*, i on *hold* pour lemoman akoz i annan en operater ki'n dir i pe esper Gouvernman pran serten desizyon lo la, so i pa pour aplik sa mezir ki i ti dir i pour aplike. I on *hold*. Akoz? Mank konsiltasyon.

Mr Speaker, *tourism levy*, nou ti vwar *meeting* ki ti ganny fer, ki mannyer bann operater ti konplent, konplent mank konsiltasyon, ti bezwen *backtrack* ale vini, ale vini, fer en pake sanzman.

Mr Speaker, sa *SMSA Identification of Small Vessel Regulation*, ki'n arive? Zot pa ti konsilte bann *boat owners*, bann *small vessel owners*, pa ti konsilte lasirans e la ozordi ki nou vwar, zot in *backtrack* lo la!

Rikord i la Mr Speaker, zot en Gouvernman ki fer desizyon, *backtrack* apre ler nou dir zot kanmaron zot ankoler! E Mr Speaker, dan tousala kwa ki'n kree sa bann problem? Rezon mazer ki'n kree sa bann

problemm se en Gouvernman ki pa le ekoute, pa le konsilte!

Zot asize zot pran serten desizyon e bann desizyon dayer i baze lo bann Polisi, bann Polisi liberal kapitalis, kot zot faver zis serten kategori dimoun ti minorite dimoun dan pei, e apre nou vwar kot larestan dimoun ki pe ganny soufrans avek sa bann kalite Polisi i anvoy lavwa i fer tapaz.

Malerezman Mr Speaker, lo kote latab, zot pa tande sa, zot pa vwar sa! Se nou lo kote minorite isi ki nou bezwen reprezant sa kategori dimoun ozordi, ki pe ganny difikilte avek tou sa bann kalite Polisi ki zot pe met an plas.

Ki Mr Speaker i kree? Ki sa bann Polisi ozordi sa bann lensertitid, sa bann Polisi sa bann mank konsiltasyon i kree? Nimerò enn Mr Speaker, se lensertitid, Gouvernman Mr Speaker, i bezwen kler, i bezwen kler dan laplikasyon son bann Polisi, napa kestyon lo la, i bezwen kler.

Akoz ler Gouvernman i fer Polisi, Gouvernman koman fasilitater i fer Polisi, sa Polisi i annan lefe lo bann dimoun pli ba, lo biznes, lo popilasyon, lo tou lo lasosyete.

So Gouvernman, ler i fer son Polisi i bezwen konsilte, i bezwen get tou bann *angles*

akoz sa zafer pour al de-koul lo lezot dimoun anba. Me rezilta tousala ler i annan lensertitid, biznes li menm li i pa kapab fonksyonnn parey i sipoze pe fonksyonnen, biznes li menm li i pa kapab anmas son bann reveni parey i sipoze pe anmase, e biznes pa fer osi byen ki nou ti a voudre zot fer, e pas sa bann larises avek lezot dimoun.

Ki nou vwar Mr Speaker? Gouvernman ler i *fail* lo serten Polisi i rod diferan fason pour li rod larzan, pour li bous trou. I rod diferan larzan pour li - diferan fason pour li rod larzan pour li bous trou e la nou vwar i komans met bann *levies*, bann *fees*.

Par egzanp *tourism levy*, par egzanp *fees* ankor lo *Postal Regulation*, *fees* ozordi ki zot i *repealed* lo bann *harbour dues*, i rod tou sord fason ki mannyer pour met bann *fees*, pour kapab bous tou bann trou.

Me lefe i reste Mr Speaker, ki tou sa bann *fees* ki zot pe mete, tou sa bann ki zot pe mete la, i pa ganny abzorbe par biznes, i ganny pase lo konsonmater, lo mazorite pep Seselwa, e i al kont e zot kontan koz lo zot fame manifesto.

Enn bann pwen dan zot manifesto met larzan dan pos Seselwa; i al kont zot manifesto, met larzan dan pos Seselwa! Zot

pe aprezan tir plis larzan dan pos Seselwa, ki zot in zanmen metel!

Annefe zot pa'n met gran zafer dan pos Seselwa, parey Onorab Aglae in dir, parey Onorab Aglae in dir sa zafer *vanished in thin air*, sa pti 10poursan ki zot in donner in *vanished*, akoz tou bann *fees*, tou bann *cost* partou in monte, pri lavi in pet plafon.

E la pa koz pour bann dimoun ki pe viv lo zil par egzant Praslin ek La Digue, si ou asize ou get sa bann *port dues*, *harbour dues*, ou kapab ganny en konpran ki mannyer pri lo sa de zil pour ogmante. E zot pa al zis lo pri, ladan zot *actually* al menm lo bann dimoun ki *travel*, ki sorti lo zot zil pour kapab vin fer servis Mahe, zot menm atak sa Seselwa ki pe *travell*!

Mr Speaker, si ou, si ou pa en Gouvernman liberal kapitalis brit, ki mannyer ou kapab en kalite keksoz koumsa? Mwan pour mwan Mr Speaker, i pa akseptab e i pa – i pa normal Mr Speaker.

I annan Mr Speaker, yer letan nou ti pe *review*, nou ti pas lo *Mid-year Review*, nou'n vwar poudir i annan en trou Mr Speaker. E petet ou pe mazine mon vwar ou pe get mwan pe

mazine ki mannyer sa i *link* avek Mosyon.

MR SPEAKER

Mon pe mazine, wi...

HON WALLACE COSGROW

Mon pe al dir ou mannyer i *link* Mosyon la ...

MR SPEAKER

... ou'n ariv 10minit ...

HON WALLACE COSGROW

Mon pou al dir ou mannyer i *link* ...

MR SPEAKER

Ou pa ankor ariv lo Mosyon ...

HON WALLACE COSGROW

Mon ti dir ou mon pour pran 15 ou'n dir mwan kontinyen, mon ti'n averti ou, ou'n dir mwan kontinyen, mon kontinyen.

Mr Speaker, nou'n vwar i annan en trou apepre R800 milyon dan Bidze. Ler Gouvernman ti vin avek son Lalwa pour Redwir *Business Tax*, nou ti ankor asiz an – dan *u-shape* nou ti dir zot poudir sa pa bon, zot pe faver, favoriz serten kategori dimoun e zot ti dir nou, non sa pour kree biznes pour isi, pour laba, ozordi 2an apre nou annan nou en manman trou dan Bidze R800ekek milyon, ki prezan nou bezwen al rod tou sa bann

larzan lo tou Seselwa ozordi, ki pe sey eskente pour sey kapab fer de bout zwenn, nou pran tou sa bann *fees*, nou fer tou sord kalite Lalwa, pour nou rod sa larzan, avek Seselwa!

Par kont, par kont, ki nou fer? Sa bann gro biznes nou donn zot en *tax break* 5poursan. Zot, zot, *ok* zot! Pran tou *fees*, tou zafer met lo Seselwa ki pe skente ki pe rod en fason pour fer de bout zwenn!

Mr Speaker, mwan mon santi i annan en manev ozordi pour satisfere gro biznes, e napa en volonte pour soulaz lavi bann Seselwa, e mwan mon'n dir sa avek zil taler, mon'n dir zot avek zil bann zil Praslin, La Digue, tou sa ki zot pe fer monte ozordi i annan en lefe, enkrwayab negativ, lo, lo bann zabitan Praslin avek La Digue. (Non pa reste laba mwan sa ki reste laba ozordi kapab fer sa reprezantasyon).

(Interruption)

MR SPEAKER

Silvouple.

HON WALLACE COSGROW

Mr Speaker, ler ki nou pe fer sa travay pour nou reprezant Lepep parey mon pour dir ou, zot, zot rod tou sord fason pour

anpes nou fer li, e pour kasyet lefe ki keksoz pa pe neseserman al byen.

Tou mannev politik Mr Speaker, ozordi se pour pas dimyel o bor ver, e fer Lepep aksepte sa dimyel o bor ver. Me larealite dan ver se vineg, larealite dan ver se vineg. Sa bann Lalwa ozordi ki nou pe demande Mr Speaker, pour nou *annul*, se vineg dan ver, se vineg dan ver Mr Speaker.

Mon a donn ou en lot legzanp Mr Speaker, ozordi avan mon terminen, ozordi nou pe vwar poudir i annan en *outcry* an sa ki konsern proze lotel Anse La Mouche; i annan en *outcry* lo lanvironnman Mr Speaker.

Me par kont nou ti ganny Prezidan Larepublik li menm, vin defann sa proze e dir tou keksoz pe al byen, tou keksoz pe al byen, i *ok* napa nesesite pour nou aret sa proze, tou keksoz pour al byen!

Aprè detrwa mwan, detrwa *down the line*, tou sa ki ti dir pour al byen ozordi sirtou an size environnmental pa pe marse, pa pe mars byen. Nou rod fason pour nou kanmouflaz keksoz, dir tou sord zoli parol, me tou sord kalite bon parol dan tou Lalwa, aprè detrwa mwan pli tar keksoz pa marse nou bezwen *reverse*!

La ozordi nou vwar ki mannyer Anse La Mouche proze lotel in pet an fler an sa ki konsern lanvironnman.

So Mr Speaker, mon'n sey etabli ozordi letan mon pe koze, *en pattern*, kot nou annan en keksoz, se mank konsiltasyon dan bann travay ki Gouvernman i fer. E sa mank Konsiltasyon i kree en kantite problem *down the line* avek bann Lalwa ki zot anmennen, bann Polisi ki zot fer e i afekte an mazorite piblik Seselwa.

E mwan mon swe Mr Speaker, ki ozordi, nou pa bouze avek sa *S.I.* e nou *annul* sa *S.I.* pour fer ki Gouvernman i a kapab retourn lo latib rekonsilte, regete reget ek sa bann *agent*, sa bann la konpanyen, rekonsilte avek manm piblik, ki la mazorite i ganny afekte par sa bann kalite sanzman, apre troun avek enn ki ava kapab satisfezan pour nou Lasanble, pour Manm piblik an zeneral.

Mwan Mr Speaker, mon pa pou arete dan mon travay pour reprezant pep Seselwa, lamazorite pep Seselwa e mwan mon debout akote *Leader* Lopozisyon e mon pour vot pour nou *annul* sa *S.I.* ozordi bomaten Mr Speaker. Mersi.

MR SPEAKER

Mersi Onorab. Bon mon a pran en poz la, nou a rebran sa trwa Manm ki reste pour koze apre poz, mon pour met en limit 15minit lo bann entervansyon. Mersi nou a rebran travay 11er 10.

(BREAK)

MR SPEAKER

Nou a rebran deba e mon annan Onorab Uranie.

HON ROCKY URANIE

Mersi Mr Speaker. Bonzour tou koleg Onorab, en bonzour spesyal pour tou bann zabitan Zil Pros ki a lekout. Mr Speaker, Onorab Sebastien Pillay *LOTO* in vin avek en Mosyon pour anil sa *S.I.* akoz pour lemoman nou pa vwar son relevans.

Nou'n tann Onorab lo lot kote latib Onorab John Hoareau atraver ou Mr Speaker in vini, in koz plito lo sa ki Onorab Pillay in dir ek sa ki Onorab Aglae in dir. Me li menm li i pa'n fouti kapab dir nou akoz ki son Gouvernman in bezwen met *hold* lo sa *S.I.* Sepa si i konnen akoz.

Nou'n tann li dir ki isi nou, lo sa kote latib nou annan bann Manm petet ki pa pe montre respe pour nou lenstitisyon. Mr Speaker, nou isi lo sa kote latib nou bann

group dimoun ki serye, e ler bann lotorite i vini isi annan pour vin reponn *panel*, zot bezwen donn nou sa respe ki nou bezwen.

E zot bezwen donn nou lenformasyon ki nou bezwen san ki ou bezwen entervenir. E zot bezwen pa antre dan sa bann demagozi ki zot fer ki apre nou osi nou bezwen reponn zot, pour fer zot konpran poudir zot en *stranger in the House*, zot pa kapab krwar zot vin la anndan zot annan plis drwa ki nou, poudir sa ki zot anvi e nou, nou pa pour kapab reponn zot!

Mr Speaker, sa sak fwa i arive i pour annan en reperkisyon ki vin avek. E mon ti a kontan ler sa bann dimoun i vini, ler zot komans sa ou osi ou zwe sa rol e ou met, ou met serten lord.

Nou'n vwar kot Gouvernman ozordi, in vin avek plizyer, plizyer *S.I.* plizyer Lalwa, kot apre deswit i *backfire* mon kapab dir, zot bezwen taye, tire remet laba. E nou, nou dir avek Gouvernman toultan, ki ler ou vin avek en keksoz ou bezwen fer konsiltasyon, e ki nou vwar zot fer gro lebra, zot pa fer konsiltasyon, zot vin avek tou kalite.

E preski tou sa bann Lalwa ki zot vin avek i annan kou, ki vin avek ki byensir i

tonm lo ledo nou piblik, *no matter what*. E ler zot tann piblik konplent, la zot taye zot retire, oubyen zot met *hold* e piblik deor i konfize.

Mr Speaker, nou ti a kontan ki ler zot vin la anndan, zot vin dir nou bann keksoz ki vre, ki realistik. Zot pa vin koz mansonz ek nou, ki apre zot bezwen sorti an tayan pour ale akoz kestyon i tro bokou pour zot.

Zis parey si ou pran legzanp Minister Zialor, ler i ti vin la anndan ti dir mwan ki laplenn La Digue pour fini *by* Septanm, kot *match* futbol pour reganny rezwe apre lan ki'n napa *match* futbol La Digue.

Bann tim in depans bokou, bann spektater in depans bokou pour al get tou *match* Praslin e Mahe; nou ti krwar dan sa bann letan i pour kapab fer keksoz, in pa'n fer nanryen dan lan, e in vin la an Avril, in vini in donn konfirmasyon ki Septanm i ti pour fer keksoz, nanryen menm i pa'n fer.

E nou vwar Mr Speaker, zot pa konsilte menm zot bann departman, kot ou vwar Federasyon Foutbol i met *features* ki pour annan match ki pour komans zwe *Inner Island*, federasyon pa konnen

poudir laplenn pa ankor ganny repare.

Ou vwar ki napa kominikasyon; zot pa serye, zot pa konsilte zot prop departman e se pour sa rezon zot pa konsilte piblik an zeneral, avan ki zot vin avek bann *S.I.*

Nou isi lo sa kote latab nou serye e ler *LOTO* i vin avek son bann Mosyon pour anil serten sa bann *S.I.*, i annan rezon, akoz nou bezwen fer konsiltasyon.

Ozordi kou lavi lo mon zil i vremen o, e tou sa ki zot vin avek i zis pour pil lo nou laba La Digue. E mwan mon viv laba mwan, zot kekfwa zot ganny lenformasyon *second hand*, mwan mon viv laba Mr Speaker, mon vwar, mon al laboutik. Kan mon dir en dimoun bonzour lo semen, premye keksoz ki i dir mwan, “*Men* be sa lavi pa pour kapab kontinyen koumsa!” E tousala pe esper 2025.

Konnen Mr Speaker, mon'n tann zot koz lo logmantasyon 10poursan, mon pa vwar kote sa 10poursan i pase La Digue mwan! Serye! 10poursan pa nanryen pour Digwa!

E nou vwar, *harbour dues* ki zot ti pe vin avek, pa ti pe vin anmenn okenn keksoz benefisyel pour nou. Akoz nou Digwa menm ki ti pe al pey tou

keksoz, e nou ki bezwen vin dan bann lofis Gouvernman isi Mahe, preski tou lofis i isi,

So nou ki bezwen peye tou sa bann larzan an plis. E deza bann bato in deza fini monte, materyo konstriksyon, tousala i deza en pri enorm. So, nou vwar ki napa konsiltasyon e zot vin avek apre ler zot tann en pti yonyon isi, taye met *hold*, oubyen tire.

Me sa ki fer lapenn se ki mon dir, bann Onorab lo lot kote zot pa konnen akoz i met *hold*. E nou isi nou pa zis propoze nou Mr Speaker, nou isi nou sa group dimoun, ki anmenn laklerte lo bann desizyon ki Gouvernman i pran. Nou isi ki debat lo la, lot kote zot *go ahead* avek tou keksoz.

E alors Mr Speaker, ler nou tann zot vin avek bann kalite *S.I.* ki apre zot bezwen *backtrack*, sa i bezwen montre nou ki zot pa serye, ki kalite diskisyon ki zot ti pe fer *in the first place* pour zot *come up* avek sa bann *S.I.* ki apre zot bezwen retourn lo la.

Eski zis en dimoun ki ti donn lord, ti dir fer? Nou'n vwar en touris parey e La Digue i depan preski antyerman lo touris. E sa i pe afekte nou. Mon'n ganny sans koze avek enn de bann dimoun i dir mwan be i annan *cancellation* bokou.

Onorab John Hoareau atraver ou in vini Mr Speaker, in vwar 10 latet dan fernwanr la, i pran en sopin i balanse apre i taye. I vini vin koz *Fitch Rating*, *Fitch Rating* i *BB-* get byen.

Mon krwar i form par *Bills Committee*, i ti devret konnen akoz Gouvernman in met *hold* lo sa *S.I.*

So Mr Speaker, nou bezwen veye byen. Nou krwar ki sa Gouvernman i pran saret i met devan bef. Ou a krwar zot *shoot first* apre zot ava demann kestyon apre. Me ditor in fini fer ...

MR SPEAKER

Onorab ou'n ariv, ou'n ariv 10minit, kekfwa ou kapab bouz lo Mosyon prezan.

(APPLAUSE)

HON ROCKY URANIE

Mr Speaker, tou sa ki mon ti pe dir i annan pour fer avek Mosyon akoz tou sa bann *S.I.* ki zot vin avek nou vwar nou, nou bezwen debat lo la pour anile, akoz i annan bann reperkisyon ki vin avek ki anmenn en kou lo piblik Seselwa.

E zot menm zot, zot pa konnen ki zot pe fer e zot bezwen retire. Alors mwan mon krwar, mon lo Mosyon Mr

Speaker. So avek sa Mr Speaker, mwan mon pour siport antyerman Onorab Sebastien Pillay, en *Leader* ki serye, kantmenm i pa en Avoka, me mon vwar li pe debat pli byen ki bokou Avoka isi anndan! Mersi Mr Speaker.

MR SPEAKER

Mersi Onorab. Onorab Loze ou annan laparol.

HON JOHAN LOZE

Mersi Mr Speaker. Mr Speaker, tou keksoz ki komans byen i fini byen. Alors nou pour komans byen, annou komans avek kot Onorab John Hoareau in kite, avek son R150milyon ki en swadizan de nonmen *LDS* ti *freeze* dan sizyenm Lasanble.

Mr Speaker, Parti *LDS* se en anbeter! En an..be..ter! *Now!* Dan sizyenm Lasanble e se la loportinite ki nou ti gannyen kot *SS Payet* ti eksplik nou, poudir zot pe met tou *grants* dan Bidze koman *budget line* menm si sa larzan pa pe neserman antre parey in ganny eksplike yer;

pa pe neserman antre, me pe ganny mete koman en *budget line* akoz sa se Polisi e prosedir ki Gouvernman ti pe swiv sa lepok. Me nou ti annan nou de dimoun dan Lasanble,

Prezidan Ramkalawan avek Vis-Prezidan Ahmed Afif.

Zot ti ensiste zot pe *freeze* sa, e zot in kontinyen dir repete zot ti *freeze*, zot ti *freeze*, la in ganny dir ankor zot ti *freeze*.

Mr Speaker, ti napa nanryen pour *freeze*. Sa ti en *Grant* ki Lenn ti'n donner pour repar Topaz; ki Lenn ti'n donner pour sa bann lanbilans ki zot menm *LDS* zot ti apel bis *Burger*, avek veikil pour lapolis.

Ler sa swadizan *freeze* ti arive, lanbilans, veikil Lapolis ti'n fini arive lo Por, Topaz ti an desandan, Lenn ti'n donn larzan ti'n fer son *procurement* dan Lenn, ti'n pey son lakonpanyen dan Lenn, ti fer tou son depans kwa ki zot ti *freeze*? Sey dir mwan kwa ki zot ti *freeze*?

Zot en Gouvernman mansonz! E zot pe koz mansonz, depi zot dan sizyenm Lasanble zot ankor pe koze ziska ozordi! Akoz Vis-Prezidan tanzantan i vin la devan, i nou sa zafer “nou ti *freeze*”, dan sizyenm Lasanble – “nou ti *freeze*.” nou ti *freeze* kwa? Ou ti *freeze* larzan Endyen dan pos Endyen?

Larzan Endyen dan pos Endyen dan Lenn ou asiz dan Lasanble Sesel ou *freeze*? Ou vwar? Ou vwar Mr Speaker? Se la kot sa parol kanmaron i sorti!

Ozordi Sesel nou annan en Gouvernman kanmaron! En ladministrasyon kanmaron! E zot *upset*, ler nou dir zot e zot vin repet bann parol *design* pour aste latet sa pep avek mansonz!

E zot ti fer politik *populist* lo sa lepok zot in *freeze*. Zot ankor pe sey reganny sa bann laglwar *freeze*. Be ti en mansonz en lalang, en gro tronpri! Zot asiz dan Lasanble zot in tronp sa pep avek zot aksyon. Lev lanmen zot tou nou pe *freeze* 150milyon. Ou pe *freeze* kwa? Ki \$150milyon ou'n *freeze*?

Procurement ti ganny fer dan Lenn, peyman ti ganny fer dan Lenn servis ti'n fini fer, Topaz ti an desandan, lanbilans in fini mor, sa ki'n mor enn de mon krwar i ankor pe marse. Lapolis mon krwar i fini kraz tou veikil ki zot in donn li. Be kote zot ti *freeze*? Man..sonz! Se la kot nou dir zot, zot en Gouvernman kanmaron!

Mr Speaker, me kot problenm in komanse? Problenm in komans 2021. Ler Minis Hassan ti asiz dan Lasanble ti dir nou poudir i pe donn en kado, en *welfare* *cheques*, sipor sosyal 5poursan rediksyon *tax*, pli gro lakonpanyen Sesel.

Sa menm Gouvernman ki dir nou ou pa kapab donn

welfare malere, ou pa kapab donn sipor sosyal malere, in donn *welfare* e esansyelman sipor sosyal tou bann pli gro lakonpanyen Sesel!

In donn zot en *welfare* 5poursan rediksyon lo zot *tax*. Be akoz mon lev sa ozordi Mr Speaker? Mon lev li esansyelman, akoz yer nou'n trouve poudir i annan en manman trou R800milyon dan reveni pei.

Be kot in sorti? In komans avek Minis Hassan, asiz la devan dan nou Lasanble, avek en bel ta kado pour bann lakonpanyen ki fer plis larzan Sesel, lala kot sa problem in komanse. Sa trou 800milyon ki annan dan reveni Sesel i pa'n aparet par mazik li.

Dan moman ekonomik pli difisil pei, ou fek sap dan *COVID*, ou vini ou fer kado ou donn *welfare*, an menm tan ki ou pe koup *welfare* lo malere, ou donn *welfare* bann pli gro lakonpanyen Sesel e sa i sipoze en bon keksoz sa.

Bon! La nou'n etabli ki *nou'n end up* avek en trou R800milyon dan reveni pei e nou'n etabli kote sa i sorti, e nou'n egalman etabli ki sa bann keksoz in ganny kree par en Gouvernman ki pas son letan zis koz lalang!

Vi ki nou'n etabli tousala kote i de-koul dan nou bann largiman ozordi? I de-koul senpleman ki sa Gouvernman in vin en nwizans pour sa pep, e ki lenstriman zot pe servi pour annwi sa pep? Zot pe servi Lalwa avek bann lenstriman legal ki apel *S.I.*

Zot pas zot letan depi zot in vin o pouwar zis finyol sa pep ki apel Seselwa avek *fees and fines*. E ki zot pe servi pour met *fees* ek *fines* lo sa pep? *S.I. S.I. seatbelt, parking, you name it.*

Zot pe kree en lopresyon lo sa pep ki apel Seselwa, e mwan mon pour servi sa mo lopresyon akoz souvan lekel ki pe ganny afekte par zot bann gonaz.

Mazinen zot in fini donn *tax break* milyonner zot, zot in donn *tax break* bann ki pe fer pli gro ta milyon, be sa malere ki ganny penalize, sa malere ki ganny pini, e se sa kot nou, nou obzekte an prensip avek sa bann *S.I* ki zot nek anmennen enn lo lot, enn lo lot, enn lo lot!

Be ozordi Sesel, pa krwar ou pour ganny laverite ek sa Gouvernman. *There's no way* ki ou pou ganny laverite ek sa Gouvernman! Akoz si ou vwar en dimoun ki ti fer en *press conference*, i ti asiz dan *press conference*, i ti dir koumsa, 'ferm pei, bezwen fermes *COVID*

pe vini, ferm Erport take', ozordi i vini asize, nou'n ouver Erport, nou'n ouver Erport si dimoun pe travay ozordi gras a nou, nou'n ouver.

Be ou pa ti kontribye dan fermen? Ou pran zistwar lo son milye ou pa pran lo son komansman kot ou ki ti pe dir fermen, ou ti met presyon pour fermen? Laverite, laverite i pli gro viktim sa Eleksyon ki'n arive 2020!

Nou'n ganny nou en Gouvernman ki pas son letan koz zis mansonz, avek son pep e sa sityasyon nwizans ki zot in kree i pe annan reperkisyon, i pe afekte sa pep. E napa 12 diferan lenstitisyon ki kapab debout e opoz, debout e annan en prensip poudir be gete Gouvernman ou pa kapab zis kontinyelman fer *S.I.* mannyer ou anvi, zis fer *S.I* san *without thinking*.

Akoz zis zot fer zot! Zot, zot fer zot balanse, zot pa ni gete apre zot al korize. Kanmaron! Zot fer, zot anvoye balans dan domenn piblik ler in so laba i komans pet lo *Facebook*, la prezan zot tire, zot zwe tire mete konmela, *experiment* ek sa pep.

Si Seselwa i dir en keksoz la zot tire, si Seselwa pa dir nanryen, les pase. Akoz mazine pep Seselwa i annan en manman trou R800milyon

pour zot bouse lo ou ledò, lo vant ou zanfan. Akoz sa *rebate* sa *tax rebate*, sa *welfare* ki zot in donn bann milyonner la. Minis Hassan tou ti donner, i ti asiz la devan mon ti la anndan sa zour.

Prezan ozordi zot a vini, a vin dir nou Sesel yer swar dan nouvel in ganny *BB+*, non mon *chère* koleg in ganny *BB-*, annou pa zis ekout dan nouvel, pran rapor lir. Akoz dan rapor i dir ou enn de keksoz enteresan mon a tous zis de;

1) I dir ou poudir nek 2026 ki *tourism* pou *recover* ziska lo nivo 2016 ,2019. 2026! Nou pour dan difikilte *until then*. sa i bann keksoz ki zot koman parti gouvernmantal zot devret pe dir sa pep, poudir nek an 2026, ki *tourism* pour *recover* lo son nivo 2016-2019. Dan rapor *Fitch Rating*, pa mwan ki'n envante, pa mwan ki pe dir.

En lot keksoz enteresan ki *Fitch* in dir, 2022 nou ti eksperyans en *growth economic*, en krwasans ekonomik eksepsyonnèl, 15poursan. Mon sipoze i ti 15poursan 2022 an relasyon 2021 - 2020, kot nou ti'n sorti dan *COVID*, ti pe *recover*.

Be si ou lir rapor i dir ou 2023 i pour 4.5poursan *growth*, 2024 *growth* pour 4.2, 2025

growth pour 3.9. Mwan si mon ti zot lo kote parti Gouvernman, mon ti pou komans edik Lepep Seselwa poudir vwala *mes chères amis, la lala*, la kot nou ete la, la kot difikilte i vini.

Be non! Non, non zot pa pou zanmen met realite devan sa pep zot aköz zot Gouvernman i vini, i dir ou tou keksoz i bon, nou pe fer mirak, Prezidan pe fer mirak, travayer pe trenn lipye. E zot, zot bezwen kontinyen avek sa mantalite papye kado, tou keksoz i klate, pti lalimyer nwel, *everything is roses!*

Zot pa kapab vini dir sa pep realite zot, zot bezwen vini dir *BB+* kan i *BB-*, zot senpleman pa kapab fer fas avek realite sa pei ki apel Sesel ozordi. E se sa rezon kot ou vwar Sef Deta avek en *laser pointer*, i debout *State House* i fer *project manager* pour en proze, ki ozordi pe detri lanvironnman pei!

Apré ki Sef Deta ti kategorikman dir poudir, sa ki pe arive ozordi pa pour arive! *We had a commitment from the Head of State*, lanmar pa pe al ganny detrir, pa pe al ganny afekte, la pe arive la. Ki nou fer avek en *presidential commitment* ki pa *vaut rien!* Pa vo nanryen son parol. Me ki nou fer?

Mwan si mon ti zot, mon ti pou komans fer zanmi avek laverite, mon ti pour komans fer zanmi avek larealite e mon ti pour komans edik sa pep lo bann vre fe, vre sityasyon. *Regardless* ki laba anler i dir, aköz laba anler i paret zot dir nenport kwa zot.

I annan enn i vini i dir ou 86 loto in disparet, en *tanker* i manke, apré ler 86 loto i reaparet i pa dir ou, ler *tanker* i retournen i pa dir ou kot *tanker* ti ete, zis repitasyon dimoun i ganny detri.

Se sa sityasyon avek zot ozordi. Zot bezwen vin pli onnet, zot bezwen vin onnet, zot bezwen koz ek sa pep, zot bezwen koz laverite, ou pa kapab vini balans de gale lo nou apré dir *adjourn* Mosyon. Ou pa kapab vini tir de pti koudpwen sat fay, fay apré dir *adjourn* mon Mosyon konmsi nou, nou pa pou reponn ou.

Non, mon zanmi i pa mars koumsa sa. Nou pour koze, nou poudir sa ki annan pour nou dir, e si ozordi, zot vwar sa bann Mosyon arive e pour kontinyen vini. Kontan pa kontan, pour kontinyen vini sa bann Mosyon *for annulment*.

Aköz zeneralman zot pe nwir sa pep avek sa bann move desizyon ki zot pe fer. En bann desizyon fotif e mal kalkile! Pa

konnen lekel pe konsey zot mwan, be selman zot devret *take a step back*, e sa en mesaz for nou pe anvoy pour Gouvernman, *take a step back* e konsider ou pep.

Konsider sa Seselwa ki'n elekte ou; pa zis konsider sa bann milyonner ki ou'n fini donn li en sipor sosyal, rediksyon 5poursan lo son *tax*. Konsider bann ki ou'n martirize ki ou pa'n anvi donn sipor sosyal, konsider bann ki mon ti ganny met deor Lasanble aköz zis 115 dimoun ki ti pe ganny sipor avek *ASP!*

Konsider zot, konsider tou sa ki ou ti pous deor kot *ASP* la, avan ou fer sa bann desizyon. Avan zot vin avek sa bann *S.I.* donn en regar, zet en lizye lo sa pep ki apel Seselwa. Aköz mwan mon pe dir zot ozordi, nou pour kontinyen opoz zot! Nou pour kontinyen vin devan avek sa bann Mosyon, prezan zot! Gete ki zot kapab fer Mr Speaker! Mersi.

MR SPEAKER

Mersi Onorab. Mersi pour aret lo 15minit. Me mon regrete ki ou pa'n adres Mosyon ditou dan sa 15minit. Onorab Henrie?

HON GERVAIS HENRIE

Mr Speaker, mon - mon konnen letan avan *break* ou ti'n dir

poudir ou'n – ou pe ferm lalis mon pour demann ou gidans, mon le fer enn pti entervansyon *point of order* anba 61(d) lo *misapprehension*.

Akoz mon santi poudir i annan en kantite konfizyon lo *S.I. 56 of 23*, so mon ti le fer - zis fer enn pti *point of order brief* ki mon kapab eksplik en keksoz pour met annord bann keksoz ki nou pe diskite bomaten. Mon ti ava demann ou permisyon Mr Speaker. Mersi.

MR SPEAKER

En moman. Onorab Pillay silvouple si ou bezwen laparol ou lev lanmen e mon a rekonnèt ou. Onorab Georges ou ti'n lev ou lanmen.

HON BERNARD GEORGES

Wi efektifman Mr Speaker, mon ti anvi demann laparol aköz mon krwar ki i esansyel ki en bann sa bann keksoz ki'n ganny dir i ganny reponn. E donk e mwan mon pa pe demann okenn, mon pa pe al anba okenn *Standing Orders*, mon pe zis demann laparol parey i mon drwa, i mon devwar e mon pe demann ou avek ou permisyon, pour permet mwan koze lo sa Mosyon bomaten. Mersi.

MR SPEAKER

Onorab Pillay, ki ou pwen?

HON SEBASTIEN PILLAY

Mersi Mr Speaker. Mon kwa ki nou tou nou'n swiv ki'n arive bomaten. Apre ki nou'n ganny segonn Mosyon lo nou kote latab, Onorab Hoareau in *move* en Mosyon pour *postpone debate* ki ou'n pratikman aksepte, akoz apre ou'n dir ou pe fermen e ou demande lekel ki le koze personn lo lot kote pa'n lev lanmen.

A plizyer repriz deba in ganny fer dan Lasanble e personn pa'n kapab vin koriz okenn *misapprehension*; en *misapprehension* ou koriz li ler en dimoun in *misapprehend* sa ki ou, ou'n dir.

Ou pa kapab al koriz en *misapprehension* kan ou pa'n koze. I pa fer sans Mr Speaker, e si ou *allow* sa pour arive i pour montre piblik klerman poudir ki mannyer ou servi *Standing Order* pour ou favoriz kote mazorite dan Lasanble.

Dezyenmman Mr Speaker, mon note ki an donn Onorab Hoareau, son Mosyon pour *close debate*, ou'n les li *move* e i annan drwa *move*, e ou pour konsidere, e ou pour konsidere e ou'n *basically* ferm deba ou ti pe *deny* mwan mon *Right of Reply*, mon pa'n lager, mon pa'n argimant sa mwan. Ki mannyer

prezan mon ganny de Manm, lo kote Gouvernman apre ki zot anvi *adjourn debate suddenly* zot le koriz *misapprehension*.

MR SPEAKER

Mersi *ok*.

HON SEBASTIEN PILLAY

Be ou pa kapab *allow* sa Mr Speaker! *That is-!*

MR SPEAKER

Ok mon'n tann ou. Mon'n tann ou mon a donn laparol Onorab Audrey Vidot.

HON AUDREY VIDOT

Mersi Mr Speaker. Bonzour Mr Speaker. Bonzour tou Manm Onorab e tou dimoun ki a lekout. Mr Speaker, mwan mon pour tre bref akoz mon krwar bokou bann Manm lo nou kote latab in fer sorti le pwen, menm si zot in ganny enteronpe a plizyer repriz, poudir zot pa lo Mosyon.

Me zot konn lo Mosyon, akoz in kler dan bann deliberasyon ki Manm lo mon kote latab in fer resorti, ki sa bann *S.I*, parey mon koleg Onorab Loze in fer resorti, ki a plizyer repriz in ganny anmennen e Lopozisyon a plizyer repriz in dir bann konsern e akoz i bezwen ganny

retire, me malerezman i pa ganny ekoute.

Resaman nou'n vwar *S.I. 51* i en senp legzanp tipik aköz ki nou pe met lanfaz ankor ozordi, *S.I. 56* i merit ganny *annul*. Si nou pe dir – si lot kote pe dir zot Gouvernman i en Gouvernman vreman responsab, zot dir zot pour - zot pe fer pli byen, zot merit omwen agree e aksepte poudir zot Gouvernman i pe *fail*. Akfer zot met regilasyon, zot tire zot remete zot tire? I kler poudir zot pa konnen ki zot pe fer. So sipor ki mon bann koleg in dir depi bomaten, mwan mon pour aport mon sipor pour anil sa *S.I.*, mon pa pe al fer okenn repetisyon so mon a les Dirizan Lopozisyon ganny son permisyon fer son *Right of Reply* to e i ava fer li. Mersi Mr Speaker.

MR SPEAKER

Mersi Onorab. Mon a donn laparol Onorab Henrie.

HON GERVAIS HENRIE

Mersi Mr Speaker e mon ava dir bonzour tou bann dimoun; partikilyerman dimoun Mont Buxton ki pe ekoute. Mr Speaker, letan mon'n demande pour koriz en *misapprehension*, ouswa menm pour donn en leksplikasyon, aköz mon krwar

poudir, depi bomaten bann keksoz ki'n dir lo *S.I. 56 of 23* i konpletman fo e i senm konfizyon.

Lopozisyon an komansan par Dirizan Lopozisyon, in konfiz en keksoz Mr Speaker, i konfiz en *S.I. 56 of 2023* avek en sistenm ki ti pe al ganny etabli ki apel *Express Courier Module*, i de keksoz separe.

Nou annan nou *S.I. 56 of 2023*, ki koz lo *Postal Sector (Clearance of Courier Goods and Door-to-Door Delivery) Regulation 2023*, e apre i annan *express courier*, permet mwan eksplik le de keksoz.

Now Express Courier Modules, i en sistenm ki ti pe ganny diskite e devlope en pe letan Mr Speaker. Son lobzektif sete pour *digitalized* bann prosedir *Custom*, pour retir papye e senplifye bann deklarasyon. *Now* ler sa sistenm ti pe ganny diskite e konsilte avek bann *courier*; dabor i annan 4 lakonpanyen *courier* dan Sesel i annan *DHL*, i annan *Mahe Shipping*, ki reprezant en lakonpanyen ki apel *Aramex*, apre i annan *FedEx* ki *Air Seychelles* ki lyez avek li.

Sa bann *courier* ti eksprimen ki pour annan en kou, ki pour aplike dan lenplimantasyon *Express*

Courier Module e anfet en lakonpanyen se *Mahé Shipping* ti fer sorti en *Notice* poudir ki zot pour aplik en *fee*; e anfet lo *verbatim* Lasanble Nasyonal, e piblik i a rapel ki semenn pase Dirizan Lopozisyon ti mansyonnen sa li, i ti dir R340 pour ganny enplike lo bann *package* ki pe vini.

Anfet *Notice Mahe Shipping* zot dir poudir i annan R325 ki pour ganny mete an plis.

Now, ler ki Gouvernman in vwar sa, Gouvernman ti fer sorti en *email* ki ti dir poudir dat ki ti'n prevwar, pour *Express Courier Module* vin an plas - an fors le 1 Septanm 2023, i pa pour aplike; pa ti pour aplike. E ki'n arive avek *Mahé Shipping*, i ti annan en sanzman dan son *CEO*.

CEO ki ti enplike dan tou negosyasyon, in ale in vin en nouvo *CEO* ki pa'n konnen, lanons in ganny sorti, me deswit *Mahe Shipping* in realize poudir zot riske perdi biznes, zot in fer sorti en lot lanons ki'n *repeal* lanons lo sa R325 ki zot ti pe al enplimante.

So, sa nou pe koz lo *Express Courier Module*. I diferan avek sa *S.I. 56 of 2023 Postal Sector (Clearance of Courier Goods and Door-to-Door Delivery) Regulations, 2023*.

Now, sa enn *S.I.* li Mr Speaker, en Komite ti ganny etabli an 2021. Sa Komite ti pe diskit plizyer keksoz, parmi pour fer li mandatwar pour fer *clearance* e *door-to-door* pour bann endividi san pey en sou.

Akoz pour bann dimoun ki konn pli byen ki mwan, mwan mon pa fer vini nanryen lo *Shein*, ler ou pey sa bann zafer la, ou'n fini peye pour ou *door-to-door delivery*, napa nanryen pour peye.

Me pour bann lakonpanyen, parfwa zot, zot kapab demande poudir be nou napa en sistenm entern pour fer nou bann *clearing*, so zot demande pour sa *courier* i fer pour zot. alor sa i kapab ganny negosye.

So Gouvernman ti pe fer sa depi 2021 aköz zot santi poudir i annan bann benefis ki pour anmennen.

Enn, i pour amelyor kalite servis pour konsonmater Seselwa ki dayer pe fer bokou, fer vini bokou keksoz konmela.

Ogmant konpetisyon parmi bann *courier*;

Redwir konzasyon kot lapos e en bon leksperyans pour bann konsonmater, me pli enportan *digitalize* lekonomi.

E in annan en konsiltasyon, en prosedir konsiltasyon ki'n ganny fer

avek servis lapos avek Biro *Attorney Zeneral*, avek *Custom*, avek bann *courier services* zot menm e lezot *stakeholders*.

E Mr Speaker i kler, ki sa *S.I.* i pa pe entrodwir okenn kou adisyonnèl pour *clearance* avek *door-to-door delivery*. *Now* pou dimoun ankor ki konn pli byen ki mwan, si ou fer vini en keksoz dan lenstans kot ou pour annan en keksoz pour peye, se si i annan sa ki nou apel en *bill of entry* ki bezwen ganny fer, e sa i aplik dan bann ka kot en keksoz i R5000 ou an plis.

E si nou regard byen sa *S.I .56*, i annan kot i koz lo *Clearance of postal articles son clause 4(1)* i dir ou,

“A courier service provider shall, upon request of an entity, clear the goods on behalf of the entity upon receiving the required payment, unless otherwise agreed by the parties”.

4(2) “For postal articles other than for an entity, a courier service provider shall clear the goods on their behalf upon receiving the required payment, unless otherwise agreed by the parties”.

MR SPEAKER

Onorab. Onorab ou'n demann permisyon, ou'n demann permisyon pour ou klarifye...

HON GERVAIS HENRIE

Klarifye Mr Speaker...

MR SPEAKER

So.

HON GERVAIS HENRIE

Mon pour retourn lo la enn pti kou...

MR SPEAKER

Terminen.

HON GERVAIS HENRIE

E i annan en lot seksyon ki koz lo *door-to-door*.

MR SPEAKER

Order!

HON GERVAIS HENRIE

... delivery. Mr Speaker dan bann lenstans kot en dimoun i fer vini en keksoz mon'n koz lo kote i annan en *bill of entry* pour fer. Be dan bann lezot ka kot par egzanp ou fer vini en *restricted item* par egzanp, ou pe enport latizann, ouswa ou fer vini ...

(Interruption)

MR SPEAKER

Silvouple. Arete. Onorab Pillay e bann Manm Lopozisyon, mon'n

donn laparol Onorab Henrie, i annan drwa koze. Mon pour pran, mon pour pran zot *point of order*, ler i fini koze. Onorab ou ti'n demann laparol pour ou klersi en *apprehension*, fer sa silvouple e terminen.

HON GERVAIS HENRIE

Mersi Mr Speaker. Wi, ankor nou pe koz lo dan ka *clearance of postal articles clause 4 (1) ek (2)* kot letan i koz lo, “*payment unless otherwise agreed by the parties*”. E mon ti pe donn legzanp kit i annan *Bill of Entry* par lao R5000, kot ou fer vini en *restricted item*, par egzanp latizann, ouswa ou fer vini en lepe, ouswa i depan groser sa keksoz.

Mon pa konnen mwan, ou'n fer vini en manman *set sofa* e oule i anmenn kot ou prezan i dir ou mon bezwen pran en *pickup*, ouswa ou pe anmenn en landrwa ki pe en *designated area*. E Praslin e La Digue i en *designated area*, me ou pe anvoy en keksoz Aldabra, i pa en *designated area*. So, i annan en kou, la se sa ki dir ou, “*payment unless otherwise agreed by the parties*”.

Me Mr Speaker, pour *door-to-door delivery clause 5(1)* avek (2), i presize i dir ou, “*subject to regulation 4(1), a courier service provider shall, provide door-to-*

door delivery of the postal article at no cost”.

Alor Mr Speaker, mon swete ki-

MR SPEAKER

Bon, mon krwar ki ou'n fer ou pwen.

HON GERVAIS HENRIE

Mon fini lo la. Mon reasir piblik Seselwa ki sa Regilasyon 56, i pa fer provizyon pour okenn kou adisyonnèl pour *clearance* avek *door-to-door delivery*, akoz Lopozisyon in konfiz sa sistenm *Express Courier Module* ki ti pour ganny etabli apartir le 1 Septanm me ki dezormen i *on hold*, avek S.I. 56.

E ki nou'n vwar Lopozisyon in deza dan Gouvernman, zot ti kapab lev telefonn, *call* kot *Trade* ganny sa leksplikasyon, me zot in anvi zis konfiz dimoun avek bann fo lenformasyon e i montre poudir ozordi, an 2023...

MR SPEAKER

Terminen Onorab.

HON GERVAIS HENRIE

... nou annan en Lopozisyon dirize par Onorab Sebastien Pillay ki abso -

(mic switched off)

MR SPEAKER

Mersi. Mon a pran *point of order* Onorab Lemiel.

HON SYLVANNE LEMIEL

Mersi Mr Speaker. Mr Speaker, mwan mon le fer resorti lo lapar mon *Caucus*, mon santi ki sa i en labi lo *Standing Order*, ou pa kapab *raise of matter of privilege* la, i pa kapab *raise en point of order* sirtou, pour fer en lesplikasyon.

Son *point of order* i ava lo en *issue* la ki'n *arise*, me selman ou permet li pour li fer en *speech!* Ou'n permet li pour li fer en *speech* 10minit dan en *point of order which is not right!*

Ou dir li poudir ou pe donn li son sans koze *or* i-lev son lanmen pour li ganny son sans koze, me pa fer li anba en *point of order!* So, sa i en labi of the *Standing Order!*

MR SPEAKER

Mersi. Leksplikasyon; *point of order* ti pour demande pour koriz en *misapprehension*, koriz - *point of order* in ganny akorde. Koriz *misapprehension*, ki'n size diskour entervansyon ki Onorab Henrie in fer. I pa *point of order*, in adres sa *misapprehension*, sa i diferan. Mersi. Onorab Pillay ki ou *point of order?*

HON SEBASTIEN PILLAY

Be Mr Speaker, ou pa pe lir ou *Standing Order*. Ou *Standing Order* i dir ou koumsa ler en Manm, ler en Manm i *aggrieved* avek en keksoz ki'n ganny dir, i *raised* en *point of order* pour li koriz en *misapprehension*, be i pa'n koze lo Mosyon li.

I pa'n koze lo Mosyon, i pa'n lev son lanmen bomaten akoz - (ou vwar gete mon pa ankor fini koze ou pe rod fason pour tenny mon *micro*).

Be les mwan koze pa ou'n les li koz pour 10 minit?

MR SPEAKER

Wi. Mon pe donn ou laparol pour *raise en point of order*.

HON SEBASTIEN PILLAY

Be mon pour fer parey li. Mon pour fer parey li in fer.

MR SPEAKER

Non.

HON SEBASTIEN PILLAY

Mannyer in *raise* son *point of order*. Ou bezwen akord mwan parey!

MR SPEAKER

Point of order Onorab, mon'n ekoute *point of order* mon'n donn laparol, mon'n donn laparol Onorab Henrie pour li

koriz en *misapprehension* e sa i annord.

Bon, mon pou donn laparol Onorab Georges, pour adres Mosyon.

(Interruption)

MR SPEAKER

Mon pou donn laparol Onorab Georges pour adres Mosyon. Onorab Georges ou annan laparol.

HON BERNARD GEORGES

Mersi Mr Speaker. Bonzour Mr Speaker. Bonzour tou bann Manm Onorab, enkli bann ki pa anv i ki mon koze e bonzour tou bann dimoun ki pe ekout nou dan lakour.

Mr Speaker, mon pa bezwen donn okenn leksplikasyon aköz ki mon'n demann permisyon pour koze bomaten. Mon krwar sa i kler, se i nou devwar lo sa kote latab, pour nou reponn en pe bann alegasyon ki bann Manm lo lot kote angiz pe koz lo sa Mosyon, in fer kont sa Gouvernman ki nou, nou reprezante ki mwan mon *lead* dan sa Lasanble.

Mon...

(Interruption)

MR SPEAKER

Silvouple.

HON BERNARD GEORGES

Les Onorab Vidot, les Onorab Vidot...

MR SPEAKER

Onorab Vidot! Mon pe demann lord silvouple! In ariv en kantite enteripsyon e mon pe demann zot reste annord annou fini sa deba. Mersi.

HON BERNARD GEORGES

Mersi Mr Speaker. Mon pour demann en kestyon la, mon konnen ki i pour lev en pe komosyon lo lot kote. Me mon krwar i mon devwar aköz mon'n ganny tro mesaz depi bomaten; depi yer annefe sorti kot piblik. Ziska kan Mr Speaker, ki ou pour les Onorab Pillay avek bann dimoun dan Lopozisyon, mank respe pour ou dan sa Lasanble?

(APPLAUSE)

HON BERNARD GEORGES

Sa se en kestyon ki lo lalang tou Seselwa e zot pe demann zot lekor, zot pe demann zot lekor a ki pwen e zot pe felisit ou pour sa pasyans ki ou'n montre ziska isi Mr Speaker, me zot pe demande ziska ki pwen nou pour ale dan sa Lasanble, kot enn apre lot, en zour apre lot, Onorab Pillay i mank respe

pour ou e pour ou fonksyon dan sa Lasanble Nasyonal!

MR SPEAKER

Bon, ou'n fer sa pwen Onorab prezan si ou le adres Mosyon adrese.

HON BERNARD GEORGES

Mersi Mr Speaker. Mon ava adres Mosyon. Mr Speaker, mon annan de keksoz ki mon anv i dir. Premyerman, mon anv i zis siport sa ki Onorab Gervais Henrie in dir bomaten. E sa se anver lot kote latab.

Mr Speaker, en *annulment motion* i en keksoz serye, e nou pa pran li koman en travay kot nou vin fer politik parey nou'n vwar bomaten. Ler ou pe demann *annul* en *S.I.*, ou bezwen pran ou responsabilite koman en Lezislater, dan tou son fonksyon.

E ler ou pe demann *annul* en *S.I.*, ou pa pe demann *annul* zis en bout, akoz sa i annan son fason pour fer, i annan fason si ou vwar i annan en bout dan en Lalwa, dan en *S.I.* ki ou pa kontan, oubyen ki ou krwar i move, i annan fason pour ou *deal* avek sa.

Me se pa sa ki zot infer ozordi, sa ki Onorab Pillay in fer, Onorab Pillay i anv i zet sa *S.I.* konpletman akoz i annan en bout ladan ki i pa kontan e

sa ki Seselwa i bezwen konpran se ki dan seksyon 3, dan regilasyon 3 sa *S.I.*, i dir ki en *service*, en *courier service provider*, i ava notifie sa *customer* ler son keksoz i arive.

Eski zot anv i zet sa? Eski zot anv i ki en *courier service provider* pa dir ek sa dimoun ki son *courier* arive? Zot anv i zete?

Regulation 5 i dir, ki, a *courier service provider* pou anmenn en keksoz *door-to-door at no extra cost*. Zot anv i zet sa zot? Zot anv i zet sa bout ki kler an faver bann dimoun ki *customer* sa *courier service provider*? Sa i pour aplik dapre regilasyon 6 pour okenn keksoz ki'n pas atraver lapos. Zot anv i zet sa zot? Zot vwar i mal ki sa keksoz i al dan sa direksyon osi, i kouver bann keksoz ki vini par lapos?

E dimoun i bezwen - deor i bezwen konpran Mr Speaker, ki si sa ki Lopozisyon e *Leader* Lopozisyon i anv i fer avek sa *S.I.* Mon ava aret la lo sa pwen ki mon pe fer, pour mwan retourn lo sa pwen, Regilasyon 4.

Sa ki'n arive avek Onorab Pillay, se ki'n fer de keksoz i kler in admet sa li menm. Premyerman in lir regilasyon 4 e in vwar ki i annan posibilite dan serten ka kot en kou pour ganny azoute e in ekout en deklarasyon ki'n ganny fer par

en *courier service provider*. Sa de keksoz ki'n fer, li menm li in admet bomaten.

In fer zis sa de keksoz, me sa enn keksoz ki i ti devret fer koman en *Leader* dan sa Lasanble, al rod lenformasyon avek son sours, sa i pa'n fer. I pa'n pran telefonn pour li *call Trade Department* dan Minister Finans pour demann en lesplikasyon dan regilasyon 4.

Onorab Henrie ek mwan nou'n fer sa nou. Nou'n telefonnen e nou'n gannyen leksplikasyon me Onorab Pillay pa sa son lentansyon li, son lentansyon se pa rod lenformasyon, son lentansyon se pa donn lenformasyon avek piblik son lentansyon se vin isi *mislead* piblik e fer teat e politik dan Lasanble Nasyonal!

(APPLAUSE)

HON BERNARD GEORGES

E se tou sa ki zot in fer depi bomaten. E nou bezwen reponn sa Mr Speaker, an di-z-an. An di-z-an ki en dimoun responsab, en politisyen ki apel son lekor en politisyen, en *Leader* dan sa Lasanble ki apel son lekor en *Leader* i bezwen *lead by example*, pa fer politik bonmarse me donn lenformasyon ki korek.

E lenformasyon ki korek in ganny donnen bomaten a de repriz, Onorab Hoareau in eksplike ki dan serten ka, ler ou fer vin en keksoz *by courier* me ki annan en *tax, excise* ki ou bezwen peye lo la, aköz tou bann keksoz ki antre dan pei, i bezwen ganny takse ou pour bezwen peye, ou pa kapab ekspekte ki sa *courier service* pour al pey ou *tax* lo lenportasyon ler ou ki pe vin fer sa keksoz.

E dezyenmman Onorab Gervais Henrie fek eksplike dan lezot ka ler ou pe vin fer en *bulk item* oubyen en keksoz ki ou bezwen peye lo sa *door-to-door delivery*, se tou ki sa *S.I.* pe fer bomaten.

Napa okenn lespas Mr Speaker, pour nou al dan *port and harbour dues* dir ki bann dimoun La Digue pe soufer aköz sa Gouvernman pa konnen ki fer.

Mr Speaker, sa Gouvernman i konn tre byen sa ki i pe fer li! E sa Gouvernman i fer keksoz dapre manda ki'n gannyen pour diriz sa pei. e mon ava dir zot en keksoz Mr Speaker. *US* i annan de fason travay li, premyerman, premyerman i al - i al pret larzan partou pour fer - pour kontinyen son travay - napa keksoz ki i pa fer nou'n vwar en

legzanp *Air Seychelles* zot ale zot in fer sa prov lakonpanyen al andet son lekor pour \$150milyon se nou Gouvernman *LDS* ki bezwen vini, pour tir sa problem lo *Air Seychelles!*

(APPLAUSE)

HON BERNARD GEORGES

Dezyenmman, dezyenmman ler zot pa kapab *emprente* larzan pour zot fer en keksoz, zot pa fer. Se pour sa rezon ki zot pa'n fer Por Praslin, zot pa'n fer Por La Digue, zot pa'n fer *National Library*, zot pa'n fer *West Coast Project* se sa Gouvernman ki'n bezwen vini fer tousala.

(APPLAUSE)

HON BERNARD GEORGES

Mr Speaker, nou pa kapab viv dan en sityasyon kot zot pour kontinyen manz bannann e anvoy lapo lo nou, e nou lo sa kote latib, nou pa pour aksepte. Se pour sa rezon ki sa Gouvernman e mon ava repet li ozordi, zot pa kontan sa zot problem, sa Gouvernman in ganny elekte pour li travay.

Enn son fason travay se demann avek bann dimoun ki itiliz por ek transpor, pour fer en kontribisyon. Se pour sa rezon, ki Gouvernman in met

en *environment levy*, aköz zi nou anvi anpes sanzman klima, bann problem ki sanzman klima pour anmennen dan nou pei, nou pour bezwen fer en kontribisyon.

Si nou anvi en zoli Por Praslin avek La Digue, nou pour bezwen fer en kontribisyon. Se koumsa ki sa Gouvernman i travay Mr Speaker i travay dan gran kler, si zot pa kontan si zot krwar sa sete en travay kanmaron sa zot problem! Nou, nou isi nou pour kontinyen travay e nou pour delivre pour Lepep Seselwa. Mersi Mr Speaker.

(APPLAUSE)

MR SPEAKER

Mersi. Mon a donn laparol *Leader* Lopozisyon, loter Mosyon pour fer son repons lo deba.

HON SEBASTIEN PILLAY

Mersi Mr Speaker. Mr Speaker, mon vremen apresye ozordi ki nou'n kapab ganny bann lentervansyon enteresan otour en Mosyon pour *annul* sa *S.I.* e nou'n ganny diferan perspektiv sorti lo tou lede kote latib lo kote nou le ale e ki Lasanble pe fer ozordi bomaten.

Mon bezwen dir Mr Speaker, koman en *Leader* dan

sa Lasanble, personn lo lot kote latab pa pour vin dir mwan ki mannyer mon pour fer mon louvraz.

Mon pour eksplik ou akoz Mr Speaker, akoz personn pa kapab dir mwan se akoz okenn antre zot pa'n realize ki mwan ki annan *Right of Reply* e ki mwan ki pour reponn zot, apre zot in fini dir tou sa ki zot anvi dir. Premye pwen.

Dezyenm pwen, dezyenm pwen, ki enteresan en dimoun ki swadizan pe donn mwan lektir lo kwa ki mwan mon devret fer, i pa realize ki ler i fer enn son Manm *prematurely* tir son fizi e vin *move* en Mosyon pour *close* deba, 10er bomaten i montre ek Lepep Seselwa nou en Lasanble pares! E prezan akoz ou ou'n realiz sa e ou sov zot, ou bezwen les deba pase.

Me ki pli enteresan ankor, en *Chairman Standing Order* ki pour apel tou dimoun *clueless* e anfanten dan Lasanble, i vin fer en keksoz pli anfanten, kan i *plagiarize speech* en lot dimoun in dir son parol me plis ki sa.

Me plis ki sa i koz mansonz ek Lasanble kan in dir mwan mon'n dir, kan in dir poudir i pa korek ler mwan mon'n dir ti R345, lala notis R345 lo la, pa 325 ankor enn fwa, i sitan *plagiarize* i pa konnen ki i *plagiarize*.

Dezyenmman Mr Speaker, mon ganny akize mon pa lir Lalwa, mon pa konnen ki mon pe fer selman mwan avek 10dimoun mon'n nobou fer de tim foutbol avek refri avek *linemen* tir en *S.I.* ki ti pour al met en kou lo pri lavi dimoun La Digue ek Praslin.

(APPLAUSE)

HON SEBASTIEN PILLAY

E sa swadizan Lasanble serye lo lot kote, ki dir mwan mon fer politik bon marse, pa ti kapab vin fer nanryen e apre zot pas per deryer byen trankil, *move* en Mosyon pour fer *repeal* en sa *S.I.*, trankil dan kasyet, pran li deryer rido personn pa konnen. E apre vin dir mwan poudir mon pa serye.

A vin dir mwan poudir mon pa'n lir Lalwa, mon pa'n get Lalwa, Mr Speaker, avek sa 10 dimoun ki la dan sa Lasanble sa 10 solda, sa 10 konbatan, sa ki nou'n fer sa mazorite lafason ki nou'n fer zot travay pour Lepep Seselwa, *is nothing less than amazing* Mr Speaker!

(APPLAUSE)

HON SEBASTIEN PILLAY

E prezan ou a vini ou a dir mwan mon mank respe pour

Speaker, mon fer li en devwar pour mwan *challenge ruling* Speaker, kan mon santi poudir i pa anliny avek nou *Standing Order*.

I pa anliny pour en Manm ki pa'n koze demann pour koriz en *misapprehension* i pa anliny, mon dir ou. I pa anliny ler en Manm ki apre in *move to closure of debate* sa ki *lead* sa *Caucus* i vin demande pour koze, akoz i santi poudir i bezwen dir en keksoz, me ou ti ava lev ou lanmen pour koze!

Nou bezwen fer tousala, politik bon marse zisteman pour nou sey prouve poudir nou ki la e nou ki konnen. Mr Speaker, par mwan ki ti dir dan Lasanble ki zot rod nou pour maltret nou, se zot!

E i fer lapenn pour ler tann li vin dir ek mwan koumsa poudir nou, rikord nou se pret larzan partou, pret larzan partou Mr Speaker, annou get en kou ki *Fitch Rating* i dir e la ankor sa a osi akiz mwan, mon pa konn *Fitch Rating* selman vwala la *Fitch Rating BB-* li i dir *BB+*. Selman mwan ki pa konnen ki mon pe dir.

An plis ki sa *Fitch Rating* i mansyonnen, ki kantite larzan Sesel pe gannyen atraver led e don, zot a vin koz nou al pret larzan partou. Mr Speaker pret larzan partou, i enn. Pran

larzan ki ou ganny donner, pour proze pa pas atraver sistenm finansyel e pas li *somewhere* dan lezer sa osi, i en problemm.

(Interruption off-mic)

MR SPEAKER

Order! Bann Manm *LDS* silvouple. Gard lord e aret bann koze *off-mic*. Onorab kontinyen.

HON SEBASTIEN PILLAY

Mersi Mr Speaker. Ou konnen tipikman la diktatir se ler ou, zot, zot in koze zot i dir mwan sa ki zot anvi maltret mwan mannyer zot anvi. Ler mwan mon reponn zot ankoler! annou regard larepons ki nou pe koz lo la en. Onorab Georges i mansyonn atraver ou Mr Speaker, *National Library*, mon Gouvernman Mr Speaker, pa ti pou zanmen fer reparasyon lo en *National Library* pour kit lalimyer *on* pour fer manz kouran, apre al dir avek Seselwa al rod liv lo bato pour met ladan.

Nou pa ti pour fer sa, akoz si ozordi Sesel ariv kot in arive se gras a sa Gouvernman *US* ki ti o pouwar! E mon pa ganny en konpran akoz ou pran lakoler ler Lopozisyon i met presyon lo zot koman Gouvernman, me i zot louvraz, i

zot responsabilite pour zot delivre, e zot pa delivre nou bezwen kestyonn zot.

Onorab Georges in dir si nou le fer plan atraver ou Mr Speaker, si nou le fer Por nou le fer isi, nou le fer laba nou bezwen peye. Wi, be nou, nou problemn akoz i menm dimoun ki peye toultan? Akoz serten i ganny *tax break* e serten i bezwen kontinyen peye?

Zot konnen zot akoz ler zot pase dan Sanmdi dimoun i kontinyelman dir zot. Me zot napa kouraz, zot napa kouraz dan sa Lasanble pour piblikman *challenge* zot Gouvernman, en keksoz ki dayer zot ti dir, an 2020.

Se pour sa rezon ler Onorab Georges ti dir ek mwan koumsa poudir nou, nou al lo stor lagrikiltir nou'n aste en pake lagrenn, mon ti dir li in aste en pake lagrenn bat latet e se sa ki zabitan Mamelles pe rode ozordi.

Mr Speaker, mwan in atak mon karakter mon *ok*, be mon kapab demann li en kestyon, ou ti vin dan Lasanble ou ti koze manner ou Gouvernman in fer pli bon Bidze, i ti'n pli byen bennyen, i ti'n byen pirze, e ou *daycare* ti ladan e finalman la *daycare* ou pa pe gannyen, ou demande ki manner i kit ou ater.

Mr Speaker, i rezonnab ki mon reponn sa ki ganny dir akoz mon ti anba lenpresyon, mon ti anba lenpresyon ki poudir ou ti pe *close* deba, e ki sa bann dimoun pa ti bezwen entervenir.

Me si mon regard sa ki zot in dir mwan. Eski i mal pour mwan koman en Lezislater, ler mon vwar en konfizyon pe souleve parmi en sekter mon asize lebra krwaze?

Eski i mon devwar pour fer Gouvernman oubyen eski i devwar Gouvernman pour li sorti e piblikman eksplike kwa ki'n arive? E se sa problemn ki nou pe gannyen depi bomaten dan Lasanble, mon'n realize vwala kot nou problemn i ete. Mazorite dan Lasanble pa kapab separ son lekor ant Gouvernman avek son rol koman Lasanble Nasyonal.

E Onorab Henrie atraver ou Mr Speaker in vin montre nou ki manner li i Minis Finans, e i bezwen eksplik nou ki manner sa *S.I* i marse.

Be sa ki i ti devret fer se fer Minis Finans oubyen *PS* Finans vin dan Lasanble e eksplike. Se sa ki zot ti devret fer, zot bezwen esper mwan vin avek en Mosyon pour fer li? E se pour sa rezon ki manner mon pa ganny en konpran zot pe vwar

problemm avek sa ki mon'n anmennen.

Ler zot dir ek mwan koumsa si en *courier* pa alert sa dimoun son *package* arive, be tou *courier* i bezwen konform avek norm enternasyonal, i pa bezwen regilasyon, akoz tou keksoz ki ou fer vini par *courier* i ganny en *tracking number*. *S.I.* la *S.I.* pa la, *tracking number* pa i aparet lo telefonn, ankor enn fwa mwan ki pa konn nanryen zot ki konn tou keksoz.

Mr Speaker, ou vwar i annan serten dimoun i krwar i kapab anbet Seselwa e kontinyen anbet Seselwa apre vin blanm mwan pou fer politik bon marse? I annan laliberte lekspresyon dan Lasanble Nasyonal. En Manm i etabli konteks son deba, konteks son largiman pour li etabli akoz i pe vin ek en largiman.

Si nou, nou pe met presyon lo Gouvernman pour Gouvernman aret fer vatevyen lo en *S.I.* i fer sans. Be aret blanm dimoun pour desizyon ki zot, zot pran. *Port Authority* i blanm avan i dir bann keksoz ki'n ganny fer avan, in fer ki zot in mal fer – be akoz zot pa ti fer zot travay avan?

MR SPEAKER

Onorab, ekout mwan en kou. I normal pour en Manm etabli

konteks. Be selman, konteks i bezwen al lo konteni Mosyon. Ou'n koz pour 15minit la, e ou pa ankor ou ankor pe etabli konteks. Mon envit ou pour adres osi bann pwen, ki relevan pour ou Mosyon. Mersi.

HON SEBASTIEN PILLAY

Mersi Mr Speaker. Mersi pour ou lenteripsyon. Mon bezwen dir Mr Speaker, ou'n demann mwan si mon pe etabli mon konteks e Lalwa Lasanble i egzize ki ler ou demann mwan en keksoz, mon bezwen donn ou en larepons. Mon pour donn ou en larepons.

Ou vwar ki mon vwar i drol Mr Speaker? Mon vwar li drol ki mon'n ganny akize konmkwa mon mank respe pour ou. Me eski sa ki ou'n fer la i montre respe pour mwan? Mwan mon'n asize, mon'n *challenge* ou *ruling* pour les sa bann dimoun koze, mon'n aksepte zot in koze.

Petet sa ki mon pe dir i vin enn pti pe difisil pour aksepte Mr Speaker e la mon pour dir pa mank respe, i akoz Mr Speaker anfendkont ou dirizan sa parti ki lot kote, e ou santi poudir sa ki mon pe dir pe afekte ou parti, me ou annan ou de tim foutbol pour reponn mwan, zot bezwen servi refri pour reponn mwan tou?

MR SPEAKER

Adres ou Mosyon Onorab.

HON SEBASTIEN PILLAY

Sa i kler sa. Mr Speaker, ler nou regard sityasyon ki nou ladan ozordi, tou desizyon ki Gouvernman i pran i bezwen fer sir poudir i pa *upset* sekter biznes e i pa kree konfizyon dan sekter biznes.

Ler i kree konfizyon Gouvernman i bezwen vit pour *step in* e koriz konfizyon. Si ou vwar en konpanyen i fer sorti en dokiman *and then* ou al sey blanm sanzman konpanyen, i lezitim pour annan en konfizyon si bann dimoun pa konpran oubyen i annan en problem, oubyen i annan en konsern avek sa ki'n ganny entrodwir. I lezitim.

Be akoz koman Gouvernman zot bezwen sitan negativ ler en dimoun i dir zot i annan en konsern? E in ariv a en pwen ou bezwen servi ekstrenm pour sey fer Gouvernman konpran, poudir en keksoz pa pe marse.

Si zot ti anvi pou tir sa *S.I.* i ganny eksplike mwan mon'n met sa Mosyon, zot ti annan tou drwa avan Mosyon i ariv pour zour deba, fer Minis vin eksplike. Zot ti annan tou drwa! Be zot pa fer! Ou konnen akoz

zot pa fer Mr Speaker, zot pa fer ou konnen kan zot pour al *call* Minis, zot pour al *call* Minis zour ki mon met Mosyon lo *Order Paper, that is the standard* ki Seselwa i elekte dan sa Lasanble.

Fodre *Leader* Lopozisyon dan Lasanble i met en Mosyon pour Gouvernman ale al fer son louvraz, sa problem!

Be si zot pa kapab fer sa louvraz, les nou vini nou a fer pour zot, sorti ale! Ou konpran se sa lesansyel akoz ler nou zo t ti dir ek nou, nou pa pe kapab zot ti vin devan e dir nou sorti!

Mr Speaker, nou, nou bezwen realiz en keksoz, koman en pei nou bezwen fer sir poudir tou bann desizyon ki ganny pran i bann desizyon ki byen kalkile.

Ler Gouvernman aktyel ti pe *campaign* pour en sanzman dan nou pei, i ti pik lo bann desizyon ki Gouvernman in mal fer, e i ti met sa dan domenn piblik, e dimoun ti ekout son bann largiman e dimoun in met en konfyans dan li pour li vin fer pli byen ki sa Gouvernman ki la.

E sa i byen, me ler ou'n ariv la ou bezwen fer pli byen, ou pa kapab blanm sa ki ti la avan i pa fer pli byen.

Be si nou, nou'n vwar kot probableman nou pa'n fer pli

byen e nou krwar nou kapab fer pli byen ki zot, nou annan tou drwa dir pep Seselwa, nou kapab fer pli byen ki zot, nou pour fer pli byen ki zot e 2025 nou pour fer pli byen ki zot! I normal Mr Speaker, i lezitim, akoz sa ki lala anndan i landrwa kot nou fer politik. Napa nanryen mal ek sa! Mon pa konnen akoz nou bezwen ankoler.

Mr Speaker, mwan ler Onorab Georges i dir ek mwan koumsa poudir tou dimoun i bezwen pey *tax*, ler en keksoz i antre, mon dakor lontan zot ti blanm nou dir nou ler *Antonov* i vini i a ganny tire lo Erport be *Antonov* pa i ankor pe vini pe ganny tire lo Erport.

Oli zot ki pe koze dir al gete si *Antonov* pe tir soz lo Erport? Oli zot? ler ti koz lo akse ek lans, nou vann later avek Arab avek isi laba, be later pa i ankor pe ganny vann avek Arab?

MR SPEAKER

Bon Onorab ou'n ariv 20minit. Konklir silvouple.

HON SEBASTIEN PILLAY

Mr Speaker, mwan mon pour ekout mwan ou'n donn mwan ou *ruling* mon pour ekout ou mwan. Sa ki mwan mon annan poudir Mr Speaker, mon *stand*

by mon desizyon pour fer en *repeal* pour sa *S.I.* Akoz? Akoz mon krwar i napa ase leksplikasyon pour fer dimoun konnen ki mannyer sa *S.I* pe marse e ler i kree konfizyon dan son enplimantasyon, i vin en problenm pour biznes e i pa kree en lanvironnman biznes ki *certain*.

Lensertitid dan nou lanvironnman biznes Mr Speaker nou pa kapab *afford* pour annan, akoz lanvironnman biznes i bezwen kontinyelman grandi pour kree plis larises pour nou pei. E nou bezwen asire ki dan sa lanvironnman biznes, tou dimoun i ganny en par egal pour zot kapab fer biznes se sa premye pwen.

Dezyenm pwen, si pour annan okenn posibilite azout okenn kou lo dimoun, nou bezwen regarde ki mannyer sa bann pri i ganny asire.

Deza nou bann sipor sosyal pe ganny afekte dan lafason ki nou ed dimoun, nou pa kapab *afford* ki Gouvernman i azout bann kou ki met plis presyon lo dimoun. Se sa bann baz ki mon'n met sa Mosyon devan Lasanble e sa, sa baz ki mon pe mentenir mon pozisyon lo *annul* sa Mosyon.

Mwan mon bi bomaten sete fer Lepep Seselwa konpran

ki konteks nou pei in arive e ki manner sityasyon i ete dan pei, zot bi se defann Gouvernman, so *be it* lafason ki zot le fer, me Lepep Seselwa pe note, Lepep Seselwa pe realize e vwala sityasyon ki nou ladan ozordi. Mersi Mr Speaker.

MR SPEAKER

Bon, nou'n konklir lo deba avek konklizyon Onorab Pillay. Mon ava prezan apel bann Manm pour vot lo Mosyon. Manm ki an faver lev lanmen silvouple? Mersi Manm ki kont. Lo Mosyon pour *annul S.I. 56 of 2023*, 10 Manm in vot pour, 22 Manm in vot kont, 0 in *abstain*. Sa Mosyon in ganny rezete par Lasanble.

Bon nou'n ariv a lafen biznes lo nou *Order Paper* pour sa lazournen, e a lafen nou travay pour sa semenn. Lasanble ava *adjourn* e nou ava pran travay Mardi bomaten 9er. *Adjourn*.

(ADJOURNMENT)